

萬 有 文 庫

第 二 集 七 百 種

王 雲 五 主 編

昭 德 先 生 郡 齋 讀 書 志

( 三 )

商 務 印 書 館 發 行

昭德先生郡齋讀書志

(三)

晁公武撰

國學基本叢書

昭德先生讀書志卷第五上

附志

江西漕貢進士祕書省校勘萬六千八百四

經類

石經周易

右周易十卷經註六萬六千八百四十四字將仕郎

守國子助教臣楊鈞朝議郎守國子毛詩博士柱國

臣孫逢吉書

石經尚書

右尚書十三卷經註并序八萬一千九百四十四字

將仕郎試秘書省校書郎臣周德貞書鐫玉冊官陳  
德超鐫

石經毛詩

右毛詩二十卷經註一十四萬六千七百四十字將  
仕郎試秘書省校書郎張紹文書

石經周禮

右周禮十二卷經註一十六萬三千一百單三字將  
仕郎試秘書省校書郎孫朋吉書

石經儀禮

右儀禮十七卷經註一十六萬五百七十二字將仕

郎試秘書省校書郎張紹文書

石經禮記

右禮記二十卷經註十九萬六千七百五十一字卷  
首題曰御刪定禮記月令第一集賢院學士尚書左  
僕射兼右相吏部尚書修國史上柱國晉國公臣林  
甫奉勅註曲禮爲第二蓋唐明皇刪定之本也將仕  
郎試秘書省秘書郎張紹文書

石經春秋

右春秋經傳集解三十卷經註并序三十四萬五千  
八百四十四字不題所書人姓氏

石經公羊

右公羊十二卷經註一十三萬一千五百一十四字  
不題所書人姓氏

石經穀梁

右穀梁十二卷經註八萬一千六百二十字不題所  
書人姓氏

石經論語

右論語十卷經註并序三萬五千三百六十八字將  
仕郎前守簡州平泉縣令兼殿中侍御史賜緋魚袋  
張德釗書穎川郡陳德謙鑄字

石經孝經

右孝經一卷經註并序四千九百八十五字不題所書人姓氏但題潁川郡陳德謙鐫字

石經孟子

右孟子十四卷不題經註字數若干亦不題所書人姓氏

石經爾雅

右爾雅三卷將仕郎前守簡州平泉縣令賜緋魚袋張德釗書武令昇鐫不題經註字數若干

以上石室十三經蓋孟昶時所鐫故周易後書廣政

十四年歲次辛亥五月二十日唯三傳至皇祐初方  
畢故公羊傳後書 大宋皇祐元年歲次己丑九月

辛卯朔十五日乙巳工畢又書將仕郎試國子四門  
助教州學講說何維翰將仕郎試祕書省校書郎州  
學說書黃東儒林郎試祕書省校書郎守華陽縣尉  
州學勾當王尚喆朝奉郎祕書省著作佐郎簽署節  
度判官廳公事武騎尉管勾州學華叅奉直郎尚書  
屯田員外郎通判軍州兼管內橋道勸農事及提舉  
渠堰騎都尉借緋提舉州學解程朝奉郎尚書屯田  
員外郎通判軍州兼管內勸農事及提舉渠堰輕車



都尉借緋提舉州學聶世卿提點益州路諸州軍刑  
獄兼本路勸農提舉渠堰公事朝奉郎尚書比部員  
外郎護軍借紫孫長卿益州路諸州水陸計度轉運  
使兼本路勸農使朝奉郎尚書刑部員外郎直史館  
上騎都尉賜緋魚袋借紫曹穎叔樞密直學士朝散  
大夫右諫議大夫知益州軍州事兼管內橋道勸農  
使充益利路屯駐駐泊本城兵馬鈐轄提舉益利路  
諸州軍兵甲巡檢賊盜公事上騎都尉京兆郡開國  
侯食邑一千戶賜紫金魚袋田况

春秋穀梁傳註疏二十卷

右唐國子四門助教楊士勛撰昭德先生讀書志中有諸經註疏獨無穀梁註疏云

經解類

經說三十卷

右晦庵先生朱文公熹仲晦之說也易說啓蒙三卷大易問答兩卷尚書問答三卷毛詩問答一卷禮記問答一卷中庸問答二卷大學問答二卷周禮春秋問答一卷論語問答并拾遺八卷孟子問答并拾遺并孝經刊誤四卷附太極解義太極問答西銘解義問答三卷通爲三十卷邵武黃大昌鄱陽王迂編次

凡六經之要旨論孟之奧義悉可以類而求之延平  
廖德明爲之序

大易粹言七十卷總論三卷

右集明道先生程顥伯淳伊川先生程頤正叔橫渠  
先生張載子厚廣平游酢定夫龜山楊時中立兼山  
郭忠孝立之白雲郭雍子和之說也舒守曾種序

紫巖易傳十卷

右紫巖居士魏國張忠獻公浚德遠所著也

誠齋易傳二十卷

右誠齋先生楊文節公萬里廷秀所著自爲之序

周易本義十卷

右晦庵先生朱文公熹仲晦所定也發例筮儀附

周易繫辭精義二卷

右東萊先生呂成公祖謙伯恭所集也

周易玩辭十六卷

右平庵項安世平父所述也自叙于前其爲說曰君子居則觀其象而玩其辭動則觀其變而玩其占讀易之法盡於此矣程子平生所著獨易傳爲全書今以其所得於易傳者述爲此書而其文無與易傳合者合則無用述此書矣其子寅孫刊于建安書院樂

章識于後

周易總義二十卷

易學舉隅四卷

右山齋易祓彥章所著也陳章李真爲之序易學舉隅亦祓所著傳疑之說附于後

二五君臣論一卷

右胡寅明仲閻丘昕逢辰二侍郎之論也六十四卦各爲之說南軒先生張宣公拭爲之序

卦圖系述五卷

右卦圖三卷皇極經世篇系述二卷康節邵先生之

說而先生之子伯溫所學也簡池趙震叙而刻之

皇極經世指要二卷

右蔡元定季通所序也以伏羲卦圖列之於前而以皇極經世疏之於後季通建陽人朱文公之益友始辭聘命終預黨名嘉定更化贈以初品

著卦辨疑三卷

右上海康節先生撰著法橫渠先生大衍說伊川先生撰著法兼山郭先生著數說下卷則辨證也兼山之子雍爲之序謝良齋譔識其後云

卦氣圖一卷

右祝融樂洪德秀所著也河南郭雍爲之序德秀嘗從文定胡公父子游取飲水曲肱之義名所居之堂故號曲肱先生云

象文說二卷

右武林吳準齋如愚所著也一則明象二則明文喬文惠公行簡嘗薦之曰成忠郎吳如愚隨身右列尋即隱居雖在都城而杜門不出臣欲識之而不可得其人行醇而介氣直而溫講道窮經賸有著述欲乞特與換授從事郎併與祕閣校勘有旨從之而如愚不受

書說六卷

右東萊先生呂成公祖謙之說也自洛誥至秦誓凡一十七篇或謂先生之說始於秦誓上至洛誥而止云

書說精義三卷

右西山先生真文忠公德秀之說也

書集傳六卷

右晦庵先生朱文公訂正而武夷蔡沉集傳也沉自序于前其子奉議郎祕書省著作佐郎兼權侍右郎官兼樞密院編修官兼諸王宮大小學教授杭進于



朝沉字仲默號九峯先生真西山撰其墓表今附于後

詩集傳二十卷詩序辨說一卷

右晦庵先生朱文公所定也江西漕趙崇憲刻于計臺而識其後

周禮說三卷

右朝奉郎祕書少監陳傅良所進也舊刊于止齋文集  
集中曹叔遠別爲一書而刻之且爲之說

周禮攷疑七卷

右祝融居士樂思忠仲恕所著也永嘉戴溪肖望豐

城劉德秀仲洪爲之序

周禮總義三十卷

石山齋易拔所著也許儀爲之序刻于衡陽

禮記要義二卷

右荆國文公王安石介甫所著也

中庸章句一卷或問二卷

中庸輯略二卷

大學章句一卷或問二卷

右晦翁先生既定著章句于經文之下又述平時問答所疑以爲或問中庸又述輯略兩卷蓋集伊洛諸

儒之說也希弁所藏各兩本嶽麓書院精舍及白鹿洞書院所刊者

春秋集解三十卷

右東萊先生所著也長沙陳邕和父爲之序

春秋左氏後傳十二卷

春秋左氏章指十七卷

右止齋陳傳良所著也四明樓忠簡公鑰序其前清海崔清獻公與之識其後而刻於惟揚郡庠

春秋左氏國紀二十卷

右清江徐得之所編也自周而下各繫以國又因事

而爲之論斷止齋陳傳良序之

春秋左氏博議二十五卷

右東萊先生所著也自爲之序

春秋分記九十卷

右克齋程公說伯剛所編也其弟公許守宜春刻于郡齋游丞相侶爲之序

左氏聯璧八卷

右三山葉儀鳳子儀撰乃對偶之書也

三傳分門事類十二卷

右莫詳誰氏所編以類相從而分其門也

論語筆解十卷

右唐昌黎先生韓文公之說也其間翺曰者李習之也始愈筆大義以示翺翺從而交相明辨非獨文公制此書也韓文補云公作論語傳未成而歿見於張藉祭詩辨之於洪慶善者明矣今世所傳如宰予晝寢以晝作晝子在齊聞韶三月不知肉味以三月作音浴乎沂以浴作泂子在回何敢死以死作先之類雖未必然而爲伊川之學者皆取之此本乃秘書丞許勃所序者

論語直解十卷

右漢上先生朱文定公震所著也紹興五年夏肇建  
資善堂時 孝廟富於春秋文定以起居郎與宗正  
卿范公冲同爲翊善朝論皆以爲極天下之選此解  
資善堂錄本也其孫繼先刻于瀏陽學舍而識其後  
孟子解兩卷

右和靜先生尹侍講焯所著也先生乃伊川之高弟  
欽宗累聘不起賜號和靜紹興初再以崇政殿說書  
召旣侍 講筵首解論語以進繼解孟子甫及終篇  
而卒此本乃邢正夫刻于岳陽泮宮者

論語解二十卷

孟子解三十六卷

右無垢先生張文忠公九成子韶所著也

論語精義十卷

孟子精義十四卷

右明道伊川橫渠三先生成都范氏滎陽呂氏藍田呂氏上蔡謝氏建安游氏延平楊氏河東侯氏河南尹氏十一人之說晦庵先生所編集也初曰精義後改集義卷末淳熙辛丑冬至前五日點畢十一字乃先君子忒庵居士師向子澤也

論語集註十卷

孟子集註十四卷

右朱文公所著也先生之於語孟始集程張呂范十  
一人之說以爲集義既又本之註疏參之釋文採之  
儒先斷之詳說以爲集註語要之精微蓋萃於此書  
矣希弁所藏各兩本嶽麓白鹿洞所刊也

論語說三卷

孟子說七卷

右南軒先生張宣公栻敬夫所著也

論語註義問荅通釋二十卷

右勉齋黃先生榦通釋晦庵先生集註或問之書也



孝經義一卷

右荆國文公王安石所著也九十七章喪親章闕之  
孝經刊誤一卷

右朱文公所定也皆以古文爲正惟傳之六章或從  
今文廬山胡泳叙于後

小學類

弟子職一卷

右弟子職一書雜見於管子之篇朱文公揭其入學  
受業事師之法以爲章句參以衆說輔其註文云

叙古千文一卷

右致堂先生胡寅明仲所作也南康黃西坡灝商伯  
爲之傳晦庵朱文公題其後曰叙事立言昭陳法式  
實有春秋經世之志至於發明道統開示德門又於  
卒章深致意焉新學小童朝夕誦之而諷其義亦足  
以養正於蒙矣

續千文一卷

右左朝散大夫知池州軍州事賜紫金魚袋侍其瑋  
字良器所著也昔周興嗣次王逸少所書千字爲韻  
語以便觀省後世謂之千文良器遷避興嗣所用字  
別製千言以續之山谷嘗抵以書曰引辭連類使不

相觶觸甚有功當與九將急就並行也葛文康公勝  
仲爲之序

百體書千文一卷

右良齋謝公諤題其後曰神剡天畫千類萬狀豈止  
汲冢魯壁周鼓秦山耶

叙古蒙求一卷

右五峯先生胡宏所著也自羲農至于五代周九三  
十一章毛以謨爲之序先生之子大壯書而刻之

通鑑韻語九卷

右黃日新齊賢所著也大畧如李瀚蒙求四言體而

列其事於左方周平園朱晦翁洪容齋謝良齋楊誠齋樓攻愧諸老先生皆爲之序齊賢臨川人

字義三卷

右北溪陳淳安卿所著也安卿臨漳人

史韻四十九卷

右回谿錢諷正初所編也依唐韻分四聲而以十一史之句註于下諷錢塘人鄭僑錢文子爲之序

篆韻五卷

右徐鉉序蓋其弟錯所集也鉉字鼎臣仕南唐爲昭文館學士入朝爲太子率更令太平興國初詔以

本官直學士院錯字楚金仕南唐爲右內史舍人卒  
李煜贈之禮部侍郎云

隸韻七卷

右洪文惠公适隸釋序冠於前周益公誌其神道碑  
云耽嗜隸古爲纂釋二十七卷穎續二十一卷

十二先生詩宗集韻二十卷

右裴良甫師聖編杜甫李白高適韓愈柳宗元孟郊  
歐陽脩曾鞏蘇軾王安石黃庭堅陳無已之詩韻也

史類

補史記一百三十卷

右唐司馬貞補司馬遷之書也補三皇紀於五帝之前每篇各註索隱之說以百三十篇贊附于每篇之末希弁嘗考諸家之說爲讀史補註一書頗加詳焉

古史六十卷

右蘇文定公轍所作也自伏羲神農訖秦始皇帝爲七本紀十六世家三十七列傳以補司馬遷之缺云  
西漢刊誤一卷東漢刊誤一卷

右宣德郎守太常博士充國子監直講劉攽所撰也仁宗讀後漢書見墾田字皆作懇字使侍中傳詔中書使刊正之攽爲學官遂刊其誤爲一書云

西漢補遺一卷

右何補德輔補西漢之遺文也蓋東哲補詩之義耳  
希弁嘗讀其皇太子遺四皓書及侯公說項羽辭因  
思昔東坡先生亦嘗爲侯公說項羽辭載於集中而  
商芸小說載張良所與商山四皓書則世所罕見也  
其書曰良白仰惟先生秉超世之殊操身在六合之  
間志凌造化之表但自大漢受命禎靈顯集神母告  
符足以宅兆民之心先生當於此時耀神爽乎雲霄  
濯鳳翼於天漢使九門之外有非常之客北闕之下  
有神氣之賓而淵潛山隱竊爲先生不取也良以頑

薄承乏忝官所謂絕景不御而駕服駑駘方今元首  
欽明文思百揆之佐立則延首坐則引領日反而方  
丈不御夜眠而閭闔不閉蓋皇極湏日月以揚光后  
土待嶽瀆以導滯而當聖世鸞鳳林栖不翔乎太清  
騏驎嶽道不步乎郊藪非所以寧八荒尉六合也不  
得侍省展布腹心略寫至言想望翻然不猜其意張  
良白補乾道中權工侍兼權直院

西漢補註一十卷

右國子博士呂莘商卿所著也倪思爲之序

史記法語十卷



前漢法語二十卷

東漢精語十六卷

三國志精語六卷

右鄱陽洪文敏公邁所著也

東都事畧一百三十卷

右承議郎知龍州王稱所進也本紀十二世家五列傳一百五附錄八間爲贊論以發揚之以其國都大梁以前之事故謂之東都然其中踈駁甚多稱眉山入故禮部侍郎賞之子此書旣進遂直中祕云

編年類

皇王大紀八十卷

右五峯先生胡宏所述皇帝王伯之事始於盤古氏而終於周之末自堯以上六闕逢無紀堯之初載迄于赧王乙巳二千有三十年貫通經典採摭史傳靡所不載又因事而爲之論所以述去取之原釋疑似之惑者至矣先生字仁仲文定公之季子自幼有志於道嘗見揚中立于京師又從侯師聖于荆門而卒傳文定公之學紹定戊子希弁生父師同爲衡山令嘗奉朝旨索其書云

通史緣起二十卷

右會稽胡衛之作也其說謂伏羲氏神農氏軒轅氏三皇也少昊氏高陽氏高辛氏合唐虞氏五帝也不可不備乃推盤古以來衆說之異同雖十紀浩茫難以年考而傳疑傳信有理存焉衛嘗仕于 朝云

### 晉春秋二十卷

右隋祕書省正字杜延業所述其自序云蕭方等採削群史著三十國春秋囊括兩晉之言網羅諸國之事以晉國爲主附列二十九國延業刪緝題曰晉春秋載於唐書藝文志

### 南北征伐編年二十三卷

右吳曾編集自漢獻帝迄于周世宗其意謂資治通鑑征伐之事雜見於列國言動之間讀者不得專一贅致至南北議論亦未詳盡遂效其體凡一征一伐靡所不載紹興辛巳逆亮叛盟廟堂知有是書嘗取以備乙覽云曾字虎臣撫之崇仁人京文忠公鏜爲之序

五代春秋五卷

右河南先生尹洙師魯所作也由梁太祖開平元年四月甲子迄于周顯德七年正月甲辰

資治通鑑綱目五十九卷序例一卷

右晦庵先生朱文公所編也司馬文正既爲資治通鑑又別爲目錄及舉要曆胡文定復修舉要補遺朱文公因文正文定兩公四書別爲義例表歲以首年而因年以著統大書以提要而分註以備言其綱倣春秋而參取群史之長其目效左傳而糅合諸儒之粹真德秀刻于泉南陳孔碩李方子叙其後希弁所藏夔本爲板四千二百有奇吉本二千八百而且無陳李二公之序希弁又嘗叅以泉本校其去取之不同并考溫公文公之書法爲資治通鑑綱目考異淳祐丙午祕省嘗下本州借本書寫云

資治通鑑綱目提要五十九卷

右資治通鑑綱目提要存其綱而去其目如春秋之經也希弁所藏乃趙希栻刻于廬陵者

續資治通鑑長編九百四十六卷

右巽巖先生李文簡公燾仁甫所修也 太祖至

英宗一百七十五卷 神宗朝二百二十八卷

哲宗朝二百二十卷 徽宗朝三百二十三卷其書

倣司馬氏通鑑踵爲之然燾謙抑不敢名續通鑑但謂續長編蜀帥汪應辰嘗乞給筆札以寫藏秘閣乾道六年正月令秘書省依通鑑帙樣及字樣大小繕

寫一部仍將燾銜位於卷首依司馬光銜位書寫進  
入燾之卒也 上語宇文价云朕嘗許燾大書續資  
治通鑑長編七大字且用 神宗賜司馬光故事爲  
序冠篇不謂其止此也希弁所藏蜀本視書坊所刊  
者爲詳希弁嘗爲續資治通鑑長編補註一書以補  
詔敕奏篇等闕云

國朝編年政要四十卷

右兵部尚書太子詹事蔡文懿公幼學所編也自  
太祖建隆之元迄于 欽宗靖康之末祖春秋之法  
而參以司馬公舉要曆呂氏大事記之例宰輔拜罷

表諸年首其子朝請大夫直祕閣提舉福建路常平義倉茶事籥叙而刻之

皇朝編年備要二十九卷

中興編年備要十卷

右壺山陳均所編也其書用國史實錄等書爲編年體例起于建隆迄于淳熙書法蓋微倣綱目之例而加斟酌焉真德秀鄭性之林岳皆爲之序

開基事要十卷

右朝奉郎祕書少監皇子嘉王府贊讀陳傳良所進也自建隆之初迄開寶之末亦曰建隆編曹叔遠



序而刻之

仁宗君臣政要四十卷

右文林郎守祕書丞監閩州商稅院市買稅監臣張唐英編進起天聖終嘉祐詔令刑政之要禮樂選舉之法郊廟祭祀邊鄙備禦固不備錄其間各臣得其家世之詳者爲之立傳否則闕之唐英字次功自號黃松子

續紀年通譜一卷

右宣義郎致仕畢仲荀續宋元憲公紀年通譜之書也元憲止於慶曆辛巳仲荀起於慶曆壬午而迄于

徽宗

丁未錄二百卷

右右修職郎監臨安府都鹽倉李丙所編也上帙起  
召王安石爲翰林學士迄于神宗皇帝外遐中帙  
起宣仁聖烈垂簾除呂公著侍讀迄于宣仁聖  
烈祔廟下帙起李清臣進策題迄于誅童貫安石之  
召實治平丁未之所始故以丁未名之

三朝北盟集編二百五十卷集補五十卷

右朝散大夫充荆湖北路安撫司叅議官徐夢莘編  
集上帙起政和七年七月庚寅終宣和七年十二月

庚申中帙起宣和七年十二月庚申終靖康二年四月丁亥下帙起建炎元年五月庚寅終紹興三十二年四月丁亥集補則補其遺也

建炎以來中興繫年要錄二百卷

右陵陽布衣李心傳微之所修也知瀘州許奕奏進之修國史曾喚又嘗乞令其弟太常博士道傳繳進得旨降付國史院然其中闕疑尚多希弁嘗爲補註一書頗爲詳備云

寧宗皇帝紀十卷

右四朝國史中之本紀也

續藝古錄一卷

右太社令龔頤正續司馬文正藝古錄之書也文正止於治平頤正起於熙寧而迄于寧宗之初表說友棐于成都趙彥勵復棐于長沙未幾有毀版之旨云

通鑑問疑一卷

右祕書丞高安劉恕字道原嘗與司馬公修通鑑司馬公深愛其博學每以所疑問焉恕子義仲纂集其往復相難者而作此書十國紀年序附于後

綱目發明五十九卷

右建康布衣尹起莘所著以發明綱目義例別之傑  
帥金陵進其書于朝魏文靖公了翁爲之序

綱目論斷二十卷

右江珪呂中論大書以提要正變例而爲之斷云其  
間所載徐清叟跋有以知端平初元通鑑綱目上塵  
乙覽之因

雜史類

靖康傳信錄三卷

右李忠定公綱爲尚書右丞充親征行營使及以知  
樞密院事爲河北河東路宣撫使時事也

建炎進退志總叙四卷

右李忠定公綱爲正議大夫尚書右僕射兼中書侍郎至於罷爲觀文殿大學士提舉杭州洞霄宮時事也

建炎時政記三卷

右李忠定公綱所編也自建炎元年五月一日以後至於八月十八日

紹興正論一卷

右編錄秦檜當國羅織諸賢或死於市朝或死於囚圜或死於貶所或流放於魑魅之區累赦不移或棲

遲於林泉之下屏跡不出者一百一十八人姓名與其獲罪之因但云瀟湘樵夫序不知其爲誰也

朝野遺事一卷

右趙子崧伯山所著記 中興以前凡一百二十有五事自號鑑堂居士終於延康殿學士右中奉大夫淳熙中周益公帥長沙命項安世丁朝佐楊長孺讎校而刻之

朝野雜記甲集二十卷乙集二十卷

右李心傳微之所編 中興以來之事也繫年錄蓋倣於此

史評類

讀史管見三十卷

右致堂先生胡寅明仲所著也意謂二百四十二年之後至于五代司馬文正所述資治通鑑事雖備而立義少遂用春秋經旨尚論詳評晦庵綱目中多取之猶子大壯序其說孫德輿刻于衡陽

讀史明辯三十卷

右伊川元城龜山了齋橫渠屏山橫浦五峯東萊南軒止齋致堂十二先生史論也

史說十卷



右東萊先生呂成公之說也

史評六卷

右誠齋先生楊文節公萬里之評也

西漢鑑十卷

右國子博士吳華所著也王容爲之序

兩漢博議二十卷

右陳季雅彥群所撰也

唐史論斷二卷

右朝散大夫尚書刑部郎中充天章閣待制兼侍讀  
孫甫之翰所撰也甫陽翟人 國史有傳

唐論二卷

右宣教郎前太平州州學教授王居中撰程公許韓祥韓補皆序之

職官類

漢官考四卷

右徐筠孟堅所著也西京二百年品秩爵列位號名數自三公而下至於筦庫釐爲十九門總一百四十九條常楫爲之序孟堅清江人淳熙甲辰進士

職官分紀五十卷

右孫逢吉彥同所集也以楊侃職林而廣之具載新

制而又增門目之亡缺補事實之遺漏元祐中趙叡  
秦觀爲之序

職源五十卷

右王益之等所編歷代置官本末也官之故實職之  
典掌前賢遺跡先朝訓詞以次列焉

翰苑群書三卷

右唐李肇翰林志元稹承旨學士院記韋處厚翰林  
學士記韋執誼翰林院故事楊鉅翰林學士院舊規  
皇朝禁林讌會集爲一卷錢惟演金坡遺事晁迥別  
書金坡遺事李宗諤翰苑雜記爲一卷蘇易簡續翰

林志蘇耆次續翰林志學士年表翰苑題名翰苑遺事爲一卷

祖宗官制舊典三卷

右東萊蔡元道所編也其子興宗叙於後云追記祖宗舊典凡設官任職治民理財之要與夫分別流品謹惜名器之道合七十七門云

玉堂雜記三卷

右周益公必大記玉堂中事也丁朝佐謂九重之德美前輩之典刑恩數之異同典故之沿革皆因事而見之云

鑿坡錄一卷

右周益公必大記初除翰林日制誥表章也

刑法類

養賢錄二十二卷

右王日休所編也以嘉祐元豐政和紹興 勅令格式嘉祐政和祿令紹興祿秩吏部七司條法紹興免役令叅攷編類其舊法不行於今者亦存之以見沿革云日休字作德鈞臺人也

治縣法十卷

右呂惠卿所著也曰法令曰詞訟曰刑獄曰簿曆曰

造簿曰給納曰災傷曰盜賊曰勸課曰教化惠鄉自序於前紹聖二年九月也所在多刊此法豈非不以人廢言與

常平役法一卷

右紹興以來臣僚申請士民陳訴備載於中按朱文公語錄乃 朝廷頒降者

儀註類

儀禮經傳通解續卷祭禮十四卷

右朱文公編集而喪祭二禮未就屬之勉齋先生勉齋既成喪禮而祭禮未就又屬之楊信齋信齋據二

先生彙本叅以舊聞定爲十四卷爲門八十一鄭逢辰爲江西倉進其本于朝信齋福州人名復字茂才書旣奏贈文林郎

家禮五卷

右朱文公所定而趙崇思刻之萍鄉者潘時舉李道傳黃榦廖德明陳光祖序跋附焉

家禮附註五卷

右陳雷刻于温州學宮者凡九十九條

呂氏鄉約一卷鄉儀一卷

右二書呂和叔季明所定也朱文公記于後

司馬公居家雜儀一卷

右溫國文正公光所著也

天文卜筭類

躔度分野列宿圖三卷

右自河圖洛書以及列宿圖其象於上而列漢晉隋志之說于下

律呂本原一卷

右蔡元定季通所著也曰黃鍾曰黃鍾之實曰黃鍾生十二律曰十二律之實曰變律曰律生五聲圖曰變聲曰八十四聲圖曰六十調圖曰候氣曰審度曰



嘉量曰謹權衡凡十三篇云

五行類

拜命曆一卷

右趙景先集其自序曰此書常式陰陽家莫能曉今則不敢傳諸該博愚嘗得自名流用之皆驗故集成此以示子孫自非洞於此道他人幸勿妄傳也趙師俠誌于後

地理

長安志二十卷

右龍圖閣直學士右諫議大夫修國史常山宋敏求

所撰也熙寧九年二月五日太常博士充集賢校理  
崇文院檢討同知宗正丞事趙彥若序敏求亦嘗為  
河南志時以朝奉郎守太常丞充集賢校理編修唐  
書官通判西京留守司兼畿內勸農事飛騎尉署銜  
元豐六年二月戊辰端明殿學士兼翰林侍讀學士  
司馬光序讀書志中有河南志而無長安志云

職方乘三卷後集十四卷

豫章

右洪芻所編也曰郡縣曰城宇曰山曰水曰觀寺曰  
祠廟曰冢墓曰寶瑞曰妖異曰牧守曰仙真曰人物  
凡十二部芻字駒父自少以詩名取重於時登進士

第爲晉州學官山谷素稱其才嘗曰甥之文學他日當大成但願極加意於忠信孝友之地甘受和白受采不但用文章照映今古乃所望也又嘗作釋權以遺山谷山谷答曰筆力縱橫極見日新之功芻之名因是益顯靖康之初爲尚書郎三遷至諫議大夫遭變坐事貶文登有老圃集行於世續之者淳熙中帥程叔達也李大異叙于後

建康志十卷續志十卷

右帥史正志所修而爲之序乾道五年三月也慶元六年八月帥吳玘續之又爲之序

長沙志五十二卷

右紹興辛亥帥趙善俊修而爲之序

宜春志十卷集八卷續修志四卷集六卷

右嘉定中守滕強恕修郡人張嗣古序續志集則嘉

熙初守郭正已也

桂海虞衡志三卷

右范文縷公成大帥靜江日志其風物土宜也自爲

之序

靜江志十二卷

右嘉泰癸亥帥蔡戡修以高宗皇帝除太傅靜江

奉寧軍節度使桂州牧兼鄭州牧制詞冠于篇端

永寧編十五卷

温州

右嘉定中守留元剛序陳謙所述也叙州叙縣叙山叙水叙賦叙役叙兵叙人叙產叙祠叙遺凡十一類

桃花源集一卷

右紹聖丙子四明姚孳序淳熙庚子邑宰趙彥琇俾新澧陽簿張櫟重修備載晉唐本朝諸公詩文

海南集二十三卷後集十二卷

右海外瓊管之集也於中可見丁晉公蘇長公趙豐公折仲古李泰發胡邦衡諸公之文筆

臨江集三十四卷

右嘉定中守楊恕編郡人劉昌詩序

景陵志十四卷

右嘉定庚辰郡文學林英發修詩文集錄附焉唐陸  
鴻漸皮日休陸龜蒙 皇朝朱昂宋祁晏殊具育楊  
徽之蘇紳石延年王禹偁張耒諸公之作爲多

邵陽志一卷

右淳熙壬寅郡文學李昂之序

陵水志三卷

右慶元丙辰郡文學劉奕修詩文附

臨賀志三卷集二卷

右莫詳誰所修也集以蘇東坡去呂彭賀州啓爲首

涿江志十二卷

右嘉定中邑令張耕修

龍江志十卷

右嘉定庚午邑丞吳紹古修今沈燮序

鈐岡志三卷

右嘉定甲戌邑令謝好古修

瑞陽志十卷縣志三卷

右嘉定六年郡守周綸修郡人雷孝友序

梅川志三卷

右寶慶丙戌重修清江張洽序

秋浦新志十六卷

右端平丙申江東倉使兼知池州王伯大修自為序

富川志三卷

右嘉定甲申守李壽朋修

寧越志三卷

右慶元改元郡守林會修

南嶽總勝集三卷

右紀載南嶽之勝槩也



水簾詩集三卷

右編集水簾洞之詩文也

浯溪集前後續別四集

右自元結中興頌之後凡刻之浯水之崖者皆在焉

卷雪樓集二卷

右集富池昭勇廟記序詩文也廟乃三國甘寧寨封

昭毅武惠遺愛靈顯王

靈應後集十二卷

右集梓潼廟誥勅記叙詩文也范鎮張浚胡世將王剛中王之望晁公武諸公祝文爲多亦有唐僖宗之

祝文

富文忠入國語錄一卷

右富弼慶曆二年以右正言知制誥爲回謝契丹國  
信使西上閣門使符惟忠副之惟忠行至武強病卒  
以知貝州供備庫使恩州團練使張茂實代之所說  
機宜事件具載錄中弼所爭者獻納二字 朝廷竟  
從晏殊議用納字弼不預也

章忠恪奉使金國語錄一卷

右紹興二年章誼以龍圖閣學士樞密都承旨充軍  
前奉表通問使給事中孫近副之誼錄其報聘之語

也誼字且叟

攬轡錄二卷

右范成大乾道六年以資政殿大學士左中大夫禮  
泉觀使兼侍讀丹陽郡開國公食邑二千戶食實封  
八百戶與崇信軍節度使領閭門事兼客省四方館  
事信安郡開國侯食邑一千六百戶食實封四百戶  
康濟爲奉使大金國信使副其往返地理日記也成  
大字至能吳縣人紹興二十四年進士使金歸除中  
書舍人淳熙五年叅知政事自號石湖 孝宗皇帝  
御書二字以賜之

禹貢疆理廣記六卷

右長沙易祓編而爲之說

方輿勝覽四十二卷後集七卷續集二十卷

右建安祝穆和父編新安呂午伯可序

仰山孚惠廟實錄二十八卷太平興國禪寺

附錄六卷

右嘉定庚午潘侃重編郡守鄭昉誌于後希弁自庚午以後續錄之爲五卷

夢華錄一卷

右夢想東都之錄也宋敏求京城記載坊門公府宮

寺第宅爲其詳而不及巷陌店肆節物時好孟元老  
記錄舊所經歷而爲此書坦庵趙師俠識其後

金虜承安須知一卷

右金虜名諱及增修朝官職事俸給格式服制地里  
圖之類也承安蓋虜主璟之紀元也時惟丁巳乃  
寧宗皇帝慶元二年云

傳記類

古列女傳八卷

右漢都水使者光祿大夫劉向撰又一卷莫知其爲  
誰續然亦載於崇文總目王回曾鞏皆序之

百將傳十卷

右東光張預公立所進也由太公而下至于五代之  
劉詞凡史辭泛漫而不切於兵者一刪去之或非兵  
略而可以資人之智慮者間亦存焉各以孫子兵法  
題其後次以行事合之

諸葛忠武侯傳一卷

右南軒先生張宣公拭所著也

四將傳四卷

右建炎中興名將劉錡岳飛李顯忠魏勝之傳也  
史官章穎撰而上之

十二朝名臣言行錄七十二卷

右八朝朱文公所編也 四朝乃後人所續者

豐清敏遺事一卷

右李朴所編豐公稷之言行也陳瓘叙次及復官賜謚制尋訪子孫劄子 國史列傳附于後朱文公爲後序云

范太史遺事一卷

右范冲所編正獻公祖禹言行也

趙豐公逸事一卷

右門人喻樗方疇諸人所記也

李忠定公行狀三卷

右公之弟綸所述也太常博士兼實錄院檢討官葉適所撰謚議附于後

胡文定公行狀一卷

右公之子寅寧宏所述也其孫大壯手書而傳之因附入曾玄諸孫名

朱文公行狀一卷

右門人黃榦所作也

道命錄五卷

右秀巖李心傳所編也自司馬公呂申公韓康公薦



伊川先生劄子至於嘉定錄用伊川先生後人  
詔旨中間朝臣之奏疏儒宗之謚議纖悉備載道學  
興廢具見於此

張忠文公節義錄四卷

右張公叔夜告敕奏劄書東北行記旌忠愍節廟碑  
及事類也

譜牒類

仙源積慶圖三卷

右三祖下宗室派系也

皇族登科題名一卷

右大宗正嗣濮王士鞅宗正丞耿延年所編也淳熙  
二年成書始於元祐三年李常寧榜子湜令翻歛後  
嗣而益之延年持節鍾官鍛木於饒洪文敏公邁書  
于後

安定先生世系述一卷

右胡瑗世系源委也瑀字翼之泰州如臯人也瑗為  
人師言行而身化之使誠明者達昏愚者厲而頑傲  
者革故其為法嚴而信為道久而尊自景祐明道以  
來學者有師惟瑗與孫復石介三人瑗以布衣召見  
論樂拜校書郎嘗為湖州學官慶曆四年建太學于

京師有司請下湖州取瑗教學之法以爲則召爲諸  
王宮教授以疾免已而以太子中允致仕皇祐中召  
至京師議樂歲餘爲光祿寺丞國子監直講遷大理  
寺丞嘉祐中遷太子中允充天章閣侍講已而又以  
病不能朝復以太常博士致仕東歸之日太學之諸  
生與賢士大夫送之東門執弟子禮路人嗟歎以爲  
榮卒年六十七世系乃淳熙中沈大臨述

周元公年譜三卷

右南康所刊也以元公出處譜之以年公所作詩文  
之類附見焉倪灼跋

橫渠先生張獻公年譜一卷

右先生之孫同然所編也譜先生之出處歲月墓表  
謚議封告及司馬文正謚議之帖魏文靖公請謚之  
表并哀辭之類附焉希弁又以先生行狀補其闕

三蘇先生年譜一卷

右左朝請大夫權發遣成都府路提點刑獄公事何  
綸編

山谷先生年譜三十卷

右先生諸孫留所編也悉譜先生所爲詩文於逐年  
之左極爲詳備云

朱文公年譜三卷

右先生門人李方子所編也盧壯父刻之於瑞陽者爲三冊倪灼刻於康廬者爲一冊今兩存之

諸子類

御解老子二卷

右徽宗皇帝之御製也嘗倣唐制命大臣分章句書寫刻石又詔史記老子傳陞于列傳之首自爲一帙前漢古今人表列于上聖今觀此解所謂道者人之所以共由德者人之所自得道者亘萬世而無弊德者充一性而常存老子當周之末道降而德衰故著

書九九篇以明道德之常而謂之經其辭簡其旨遠  
學者當默識而深造之其說大槩與政和之 詔同

鬻子十四篇

右楚人鬻熊之書也逢行珪序而註之漢藝文志云  
鬻子六篇今此本乃十四篇未詳孰是然篇或錯亂  
又多遺闕行珪之說已然矣唐藝文志列于老子之  
前蓋謂其爲文王師也

列子九卷

右列子一書漢唐及 本朝藝文志皆謂八卷政和  
中宜春彭俞爲積石軍倅聞高麗國列子十卷得其

第九篇曰元端於青唐下者 神宗皇帝嘗熙後漢  
范曄姓名欲更修之求東觀記久之不得繼而高麗  
以其本來上 裕陵厭代遂不及進元和高麗使  
人言狀訪於書省無知者醫官已死於其家得之信  
乎高麗之多異書也

孔叢子七卷

右孔子八世孫鮒集先君仲尼子思子上子高子順  
之言及已之事凡二十一篇爲六卷名之曰孔叢子  
蓋言有善而叢聚之也孔臧又以其所爲賦與書謂  
之連叢上下篇爲一卷附之卷末其書不見於漢唐

藝文志嘉祐四年提點廣南西路刑獄公事兼本路  
勸農事朝散郎守尚書屯田郎中上輕車都尉宋咸  
始為註釋以進

慎子一卷

右例陽人慎到之書也唐藝文志云慎子十篇慎到  
撰滕輔註蓋法家云

公孫龍子三卷

右唐藝文志列于名家陳嗣古賈大隱皆嘗為之註  
今不辨矣孔叢子第四卷有公孫龍子一篇

劉子五卷



右劉晝字孔昭之書也或云劉勰所撰或曰劉歆之制或謂劉孝標之作袁孝政爲序之際已不能明辨之矣唐藝文志列于雜家

聳隅子二卷

右閩人黃晞之書也晞好讀書聚數千卷學者多從之著聳隅欵欵瑣微論石介爲直講聞其名使諸生如古禮執羔鴈束帛就里中聘之以補學職晞固辭不就故歐陽文忠公哭徂徠先生詩云羔雁聘黃晞晞驚走鄰家是也嘉祐中韓魏公爲樞密使薦之以爲太學助教受命而卒或曰有子甚愚魯所聚及自

著書多散失不存

子家子一卷

右眉山家頤養正之書也無卷帙篇目姑附于諸子後

莊子解四卷

揚子解一卷

右荆國文公王安石所解也

農家類

農書三卷

右平江陳峻景文所述也唐元宗因李泌之請以二

月朔爲中和節令百官進農書以示務本而其書不見於史景文輯六經中所載農圃之事參以田牛蠶桑等爲此編以補史記之闕謝良齋譔爲之序

社倉本末一卷

右真文忠公帥潭日所編也其自叙云劄其大要使後之君子得以覽觀焉蓋今日之所講求雖不敢不極其至而後來之弊終有不能逆計者存諸家之規畫所以備後日之叅攷也太師史公浩尚書韓公某丞相趙公汝愚舉子條約附焉其說蓋欲採愚俗殺子之禍云

雜說類

世說新語二卷

右宋臨川王義慶撰梁劉孝標注讀書志引唐藝文志及崇文總目有十卷八卷之疑又云一本極詳一本殊略未知孰爲正希弁所藏本有紹興八年董弁題其後曰右世說三十六篇世所傳鰲爲十卷或作四十五篇而末卷但重出前九卷中所載余家舊本蓋得之王原叔家後得晏元獻公手自校本盡去重複其注亦小加剪截最爲善本云

宋景文雜詠集二十卷

右宋景文公祁所集也讀書志云雞跖集十卷未詳  
撰人希弁所藏二十卷題曰宋景文雞跖集有建炎  
元年黃邦俊序

孔氏談苑五卷

右孔平仲毅父記錄之文也毅父清江人文仲武仲  
之弟有續世說行於世

孔氏雜說一卷

右孔平仲毅父之記錄也圖志謂之珩璜論

公是先生弟子記一卷

右劉敞原父之說也謝良齋得之於劉司業焯以遺

清江守江溥刻之趙不黯以閣下本校正而識其後云如叔貢問尚書記人之功下闕五段梓慶削木爲鑿至不敢以爵賞櫻其慮下缺七段文勢差錯至不可讀其他以二段爲一段爲二者皆正之

東萊呂紫微雜說一卷師友雜志一卷詩話一卷

右呂本中字居仁之說也鄭寅刻之廬陵

春明退朝錄五卷

右宋常山公敏求所錄也讀書志云春明退朝錄三卷希弁所藏一本三卷又一本五卷凡多七十有八

條云

侯鯖錄八卷

右聊復翁趙令時德麟之說也取王氏五侯鯖之義而名之

避暑錄十五卷

右葉夢得少蘊之說也少蘊蘇州吳縣人紹聖四年進士建炎初爲翰林學士拜戶書遷尚書左丞終於崇信軍節度使自號石林云

能改齋漫錄二十卷

右吳曾虎臣所纂也曰事始曰辨誤曰事實曰訟襲

曰地里曰議論曰記詩曰紀事曰記文曰類對曰方物曰樂府曰神僊詭怪曰談諧戲諠一一載之曾臨川人嘗主奉常簿入玉牒爲檢討官能改齋乃其自謂云終於吏部郎

揮麈錄後錄第三錄揮麈餘話二十三卷

右王明清仲言之說也明清汝陰人載朝廷典故賢哲言行爲多

辨志錄一卷

右呂東萊祖謙伯恭所著也四明樓鑰序之

管見錄二十卷



右吳莘商卿之說也論經史并曆爲詳商卿建寧人嘗爲國子博士序則倪思

典刑錄二十卷

右吳宏子大所錄也杜東子野爲之序蓋分門編次先正諸公之言行也

項氏家說十卷附錄四卷

右項安世平父之說也說經史文學爲甚詳平父江陵人自號平庵辛克承刻于江陵郡齋而爲之識

容齋隨筆十六卷續筆十六卷三筆十六卷

四筆十六卷五筆十卷

右洪文敏公邁字景廬所著也何異序之

塵史三卷

右王得臣字彥輔所記也其自序云自朝廷至州里有可訓可法可鑒可誡者類以相從云得臣自號鳳臺子

却掃編三卷

右睢陽徐度所著也度字中立丞相處仁之子嘗爲吏部侍郎

示兒編前後集二十四卷

右孫奕季昭所編也蘇大章諸人題于後

兵家類

八陳圖風后握機文馬隆八陣贊獨孤及八陣記四卷

右蔡元定季通所編次也

車弈或問一卷

右知興國軍胡逸駕所述也自序於前附車戰利害奏劄于後

類書類

文章緣起一卷

右梁太常卿任昉彥升所集也自秦漢以來聖君賢

士所爲文章名之所始備見於中

古今註三卷

右晉太傅丞崔豹正熊所註也一輿服二都邑三音  
樂四鳥獸五蟲魚六草木七雜註八問荅釋義

尊號錄一卷

右宋元憲公庠所編也自漢至于仁宗有序有評  
有贊龍圖閣學士提舉寶錄宮宋康年進

十七史類七十七卷

右三山鄭某所編也自周而下每一事相類則編而  
次之

西漢總類二十六卷

右沈長卿文伯所編也隨事立門隨門類事他傳所載總而歸一雖注中有所取者亦皆掇拾而裒集之長卿雲川人也乾道改元信州教官具瓊景玉序

唐鑾五十卷

右張文忠公九成所著也公嘗謂紀志出於歐陽公列傳出於宋公天文律曆五行志則劉義叟為之方鎮百官表則梅堯臣為之禮儀兵制初出於王景彝未竟而卒每患首尾不相貫屬遂總其條綱稽其同異類聚而區別之

事物紀原十卷

右高承編自天地生植與夫禮樂刑政經籍器用下  
至博奕嬉戲之微蟲魚飛走之類無不攷其所自來  
承開封人雙溪項彬序

補註事類賦三十卷

右吳淑所進也始淑進一字賦百首爲二十卷奉  
旨令其注釋遂廣爲三十卷云淑渤海人

事文類聚六十卷

右祝穆和父編門分昉列各以群書要語冠其首次  
之以古今事實又次之以詩文全篇凡天文地理人

事服食器具草木蟲魚靡不備載呂午伯可爲之序  
祕府書林二十二卷

右張文伯正夫所編曰天文曰律曆曰五行曰地理  
曰食貨曰選舉曰百官曰禮樂曰輿服曰祭祀曰藝  
文曰兵刑凡十二類攷訂歷代及本朝史志爲其詳  
國朝會要一百五十卷

右國朝會要起建隆止慶曆凡八十五年章得象  
所進者

總類國朝會要五百八十八卷

右總類國朝會要由建隆而至乾道也始仁宗

命章得象編起建隆止慶曆爲一百五十卷 神宗

又命王珪續編慶曆四年以後至熙寧末凡三十四

年通前爲三百卷 徽宗詔王覲曾肇續編元豐至

元符尋又詔起治平四年止崇寧五年凡四十二年

然二書皆弗克成政和末有司獨上吉禮三類總一

百五十卷蓋通章得象王珪所編者益以熙寧後事

也紹興九年詔館職續編至三十一年又降趣旨

孝宗命宰相提舉閱再歲乃成自 神宗之初至于

靖康之末凡六十年總三百卷厥後 中興乾道踵

而成之此集則合 十一朝爲一書也然中多節略



而始末不全者

會要詳節四十卷

右御史知雜范師道所編也讀書志云節會要十二卷希弁所藏乃四十卷前有叙云師道所節四十卷先後詳緻無異全本紹興小臣王容清謹題

皇朝大詔令二百四十卷

右宋宣獻公家所編纂也皆中興以前之典故嘉定三年李大異刻于建寧

本朝事實三十五卷

右莫詳編者姓氏祖宗卅次登極紀元詔書聖學

御製郊廟道釋玉牒公主官職爵邑勛臣配享宰執  
拜罷科目儀注兵刑律曆籍田財用削平僭偽陞降  
州縣經略夷狄之類具載本末又如聖德頌旌忠碑  
之類皆載之。

紹述熙豐政事十卷

右政和八年十月一日 詔云可以紹述熙豐政事  
書布告施行此即布告之本也具列 詔書于前而  
載十一人姓名于後今詳書之以見當時之官制云  
承務郎試明堂平朔頒朔兼禮制局校正內經檢討  
官臣黃次功承奉郎守明堂總章頒朔臣李伯全宣

教郎守明堂青陽頒胡臣嚴裕朝請郎明堂頒胡臣  
徐秉哲宣教郎試明堂頒事臣蔡伯朝散郎試明堂  
頒事臣陳公彥朝奉郎試明堂頒政 國史編修官  
臣許翰通侍大夫康州防禦使提點龍德太一宮提  
舉入內醫官編類聖濟經提舉太醫學明堂頒胡布  
政詳定官臣曹孝忠翰林學士知制誥兼侍講同修  
國史明堂頒胡布政詳定官充編類 御筆所禮制  
局詳議官臣張邦昌檢校少傅護國軍節度使中大  
一宮使直宣和殿明堂兼在京神霄玉清萬壽宮提  
舉通領頒朔布政詳定事臣梁師成宣和殿大學士

上清寶錄宮使兼神霄玉清萬壽宮副使兼侍讀明  
堂頒朔布政詳定官編類 御筆詳議目蔡攸

崇觀政宣詔令章奏二十卷

右 徽宗皇帝朝詔令章奏分門而類次之

隆平典章三十卷

右建炎至乾道之 詔旨及 御製之文奏對之章  
誥詞謚議之類皆分門而叙之如孔子七十二子贊  
及損齋記皆在焉

高宗寶訓七十卷

右嘉定六年十月史館所上本也

內治聖監二十卷

右彭忠肅公龜年爲起居舍人兼皇子嘉王府直講日所進也上自九重后妃世子旁及宗藩戚里下至官寺胥史以類紀之而外廷百司庶府不與焉公字子壽清江人自號止堂

太平治迹統類四十卷

中興治迹統類三十五卷

右傲通鑑紀事本末條例統而類之事撮其綱辭舉其要上自藝祖而下至於孝宗九二百門云眉

山彭百川編集

雜藝術類

文房圖贊一卷

右和靖後人林可山撰自筆硯而下皆爲之官稱圖其像於前而列其贊於後序謂唐韓愈舉穎爲中書他竟無所聞今圖贊一十八人擬以官酬之竝異日請于朝罔俾昌黎顛美有唐

采選集四卷

右莫詳誰氏作初彩選格起於唐李邵 本朝踵之者有趙明遠尹師魯元豐官制行有宋保國皆取一時官制爲之至劉貢父獨因其法取西漢官秩陞黜

次第爲之。又取本傳所以陞黜之語注其下。局終遂可類次其語爲一傳。博戲中最爲雅馴。此集尤詳。且悉曰階官曰職名曰科目曰賞格曰服色曰俸給曰爵邑謚法之類無一不備。

醫家類

御製聖濟經十卷

右 徽宗皇帝所製也。政和八年五月十一日詔頒之天下。學校九月二十四日大司成李邦彥等言。乃者從侍臣之請。令內外學校課試於聖濟經出題。臣等切謂今內經道德經旣已選。博士訓說乞更以聖

濟經附二經兼講從之

陸宣公經驗方二卷

右唐陸宣公贄在忠州時所集而山陰陸游所跋也或問朱文公曰陸宣公旣貶避謗闔門不著書祇爲古今集驗方曰此亦未見陸宣公是處豈無聖賢經傳可以玩索可以討論

濟世全生方指迷集三卷

右考城王貺字子真所著也吳丞相敏序之曰子真當官不苟遇世變嘗慨然再請出疆使萬里云

本草單方十五卷



右龍溪林能千編集列三十六門疏二百七十三目  
自為之序

鍼灸資生經七卷

右王執中所編也執中東嘉人嘗為從政郎澧州教  
授云

四時治要一卷

右永嘉屠鵬字時舉所著戴文端公溪為之跋

陳氏經驗方五卷

右書林陳先生集李文懿公壁為之序

神仙

御序集註無量度人經二卷

右真宗皇帝御製序 徽宗皇帝御書而註之會  
要云宣和六年八月四日詔賜左丞范致虛 御註  
洞元靈寶無量度人經二部想即此本也別一本云  
建中靖國元年四月十三日奉 聖旨鏤版而無序  
無註亦不載於會要朱文公云此經乃杜光庭撰

赤松子中誠經一卷

右序云軒轅黃帝遇赤松子授中誠經希弁嘗攷  
國朝大詔令云元符三年九月日制云赤松真君紀  
于仙籙神農之師可加號赤松凌虛真君疑即此也

然張良亦封忠佑凌虛真人云

玉皇本行集經三卷

右嘉熙四年臨安府承天靈應觀所刻蜀本也程公許序述爲詳

九天生神章經三卷

右絳州冲虛觀道士王希巢隱賢解玉局散吏程公許爲之序西蜀譙巖趙日休跋朱文公嘗謂此經亦杜光庭所撰

西山十二真君傳一卷

右晉許遜吳猛陳勳周廣曾耳時荷甘戰施岑彭抗

盱烈鍾離嘉黃仁覽皆得道於西山者政和王冊誥  
詞在其中

皇宋拾遺仙傳一卷

右陳希夷張虛靜朱觀妙徐神公王侍宸劉靜一趙  
道翁皇甫清虛之事蹟也其中所載 御製及誥詞  
與夫詩記之類爲多

太上感應篇八卷

右漢嘉夾江隱者李昌齡所編也希弁生父師同嘗  
爲之序四明史彌忒跋其後曰趙公所序禍福善惡  
之報爲尤詳可謂愛人以德者余嘗守袁喜袁人之

樂於趨善因閱是序矍然起敬而程公許湯中繼書之  
竹宮表制一卷

右楊至質字休文太乙宮代言之文也自號勿齋  
聖上嘗書二字以賜之休文謝表云先儒德秀嘗貽  
金石之文督府了翁復賁蟲魚之篆希弁云不若用  
臣真德秀臣魏了翁休文以爲然

釋書類

御註四十二章經一卷

右 御注未詳歲月希弁嘗聞朱文公云釋氏只四  
十二章經是他古書其餘皆中國文士潤色成之維

摩經亦是南北時人作

御註大圓覺了義經二卷

右 孝宗皇帝賜徑山興聖萬壽禪寺僧寶印者也  
前刻唐裴休序

大方廣佛華嚴經八十卷普賢行願品一卷  
右于闐國三藏沙門實義難陀譯序云天冊金輪聖  
神皇帝製者唐武后也希弁嘗攷晉義熙中六十卷  
唐聖曆中八十卷普賢行願品乃正元十二年南天  
竺烏荼國王手書以進通爲八十一卷厥後李長者  
製爲合論四十卷提舉坑冶鑄錢朝奉張大夫乃以

經論合爲一書云李忠定公綱曰廣博妙圓極諸經之聞奧莫如大方廣佛華嚴經精微條暢爲華嚴之指南莫如李長者所製合論

妙法蓮華經七卷

右姚秦三藏法師鳩摩羅什譯經本十卷後三卷朝廷所禁云

楞嚴經解十卷

右王荆公安石所解也

圓覺經皆證論二卷

右臨川謝逸序謂王荆公嘗問真淨文禪師曰一切

衆生皆證圓覺而圭峯禪師易證爲具謂譯者之訛其義是否眞淨曰圭峯之說非是真淨法子德洪述其師之說而爲之論

淨土文一卷

右王日休所編歷陽張孝祥爲之序日休字虛中龍舒人嘗爲國學進士

般若精義四卷

右金剛般若波羅蜜經解義也

寂感禪師法語五卷

右寂感禪師印肅語也程公許爲之序淳熙中謝良



齋譯所作塔銘附

無庵法語一卷

右孟少保珙與公安僧法東往復之語也陳舜趙希  
杼爲之序

昭德先生讀書志卷第五上



昭德先生郡齋讀書志卷第五下

附志

江西漕貢進士祕書省校題二十五篇皆

楚辭類

楚辭集註八卷後語六卷辨證一卷

右朱文公所定也離騷凡七題二十五篇皆屈原作  
定爲五卷續離騷八題十六篇定爲三卷校晁氏本  
增弔屈原服賦二篇而去七諫九懷九歎九思四篇  
公謂四篇雖爲騷體然詞氣平緩意不深切如無所  
疾痛而強爲呻吟者就其中諫嘆猶粗可觀兩王則

卑已甚矣故雖幸附書尾而人莫之讀今不復以累  
篇表也賈傳之詞於西京爲最高且惜誓已著于篇  
而二賦尤精乃不見取亦不可曉故併錄以附焉後  
語定著五十二篇公謂屈子者窮而呼天疾痛而呼  
父母之詞也故今所欲取而使繼之者必其出於幽  
憂窮蹙怨慕淒涼之意乃爲得其餘韻而宏衍鉅麗  
之觀懽愉快適之語且不得而與焉至論其等則又  
必以無心而冥會者爲貴其或有是則雖遠且賤猶  
將汲而進之一有意於求似則雖迫近如楊柳亦不  
得已而取之耳騷自楚興公之加意此書則作牧于

楚之後也或曰有感於趙忠定之變而然

離騷章句一卷

右呂成公所分也以離騷經一篇爲十六章公謂王逸嘗言劉向典校分離騷爲十六卷班固賈逵各作離騷章句惟一卷傳焉餘十五卷闕而不錄今觀屈平所作凡二十有五各有篇目獨此一篇謂之離騷切意劉向所分即此篇猶一篇之中有數章焉故嘗因逸之言即離騷一篇反復求之考其文之起伏意之先後固有十六章次第矣因而分之爲十六章東萊集中不載

離騷草木疏四卷

右通直郎行國子錄河南具仁傑撰慶元間自序

別集類一

申鑒五卷

右後漢荀悅所作也悅字仲豫儉之子也儉早卒悅年十二能說春秋家貧無書每之人間所見篇牘一覽多能誦記尤好著述靈帝時闡官用權士多退身窮處悅乃託疾隱居初辟鎮東將軍曹操府遷黃門侍郎侍講禁中累遷祕書監侍中時政移曹氏天子恭已而已悅志在獻替而謀無所用乃作申鑒五篇

其所論辨通見政體既成而奏之其大略曰前鑒既明後復申之故古之聖王其於仁義也申重而已悅嘗依左氏傳體爲漢紀三十篇又著崇德正論及諸論數十篇建安十四年卒

### 孔稚珪集十卷

右齊孔稚珪字德璋之文也稚珪道隆孫會稽山陰人爲東南冠族少知名有文彩辭章清拔獨冠當世舉秀才爲安成王法曹叅軍齊高帝時補記室叅軍終於都官尚書散騎常侍太子詹事追贈金紫光祿大夫謚簡子集有序云所爲文章雖行於世竟未撰

集今撫其遺逸分爲十卷然莫知其爲誰序也

詩品三卷

右梁征遠記室參軍鍾嶸撰嶸字仲偉南史有傳嶸嘗求譽於沈約約拒之及約卒嶸品古今詩爲評言其優劣云觀休文衆製五言最優齊永明中相王愛文王元長等皆宗附約于時謝朓未適江淹才蓋范雲名級又微故稱獨步故當辭密於謝意淺於江蓋追宿憾以報約也

陸宣公文集二十二卷

右唐陸贄敬輿之文也讀書志云陸贄奏議十二卷



希弁所藏制誥十卷奏草六卷奏議六卷凡二十二卷云

李翰林文集三十卷

右唐李白太白之文也讀書志云二十卷希弁所藏三十卷以常山宋敏求南豐曾鞏序攷之則三十卷爲是然第一卷乃李陽冰魏顥樂史三人所作序李華劉全白范傳正裴敬四人所作誌與碑第二卷以後乃白詩文云

黃氏補千家集註杜工部詩史三十六卷外集二卷

右唐杜甫少陵之詩也嘉慶中臨川黃希夢得及其子鶴叔似所補也外集上卷詩二十九首下卷祭遠祖當陽君文祭外祖祖母文爲閩州王史君進論巴蜀安危表東西兩川說凡四篇以唐書本傳冠于前而呂汲公年譜附于後云

昌黎先生文集四十卷外集三卷順宗實錄五卷附錄三卷

右唐韓愈退之之文也讀書志云韓愈集四十卷集外文一卷希弁所藏合五十一卷嘗以宜春新舊本兼饒本參校又以嘉祐壬寅所刊杭本是正之饒本

刊年譜於目錄之後刊附錄於外集之前又附錄止載九篇而前後共列五序柳開但曰後序亦不書其姓名杭本並無目錄年譜附錄亦無柳開一序趙德之序文錄列于李漢之先歐陽修之記舊本較之他集則異他本所載者六百二十七字杭本所刊者一百六十二字以嘉祐壬寅考之歐陽方在政府刊者不應謬誤豈非後來更改而然歟遂寫杭本歐陽之序饒本汲公之記續於附錄之後石守道秦少游張文潛之論黃魯直蔣穎叔李伯紀之詩鄭介甫之祭文陳元光之集序黃直卿之記新廟真希元之記祠

堂又寫附歐呂二公之後而諸賢評論先生之文者各以其說註于逐篇之上若夫委綏大學宜序天臺之屬此先生除都官郎之誥詞也當攷誰行道德博聞此先生謚文公之法也當攷誰議有所謂示浩初序之書者王逢原代先生之作也續駑驥行之詩者李泰伯廣先生之說也如此類者亦當寫補附錄之缺云

柳先生文集四十五卷外集二卷附錄二卷右唐柳宗元子厚之文也讀書志云柳宗元集三十卷集外文一卷希舟所藏卷帙與劉禹錫四十五通

之說同以諸本點校寫諸公評論於逐篇之上附錄中先後失次者正之遺缺者補之若夫昌黎所作先生墓誌祭文他本皆在附錄中惟此本在正符之後蓋禹錫自謂附于第一通之末也朱文公嘗謂柳文後龍城雜記王銍性之所爲也子厚叙事文字多少筆力此記衰弱之甚皆寓古人詩文中不可曉知底於其中似暗影出云

杜詩辨證一卷

右洪興祖所纂也年譜列于前興祖字慶善鎮之丹陽人也張金刻于興國

韓文考異十卷

右朱文公所定也以南安舉正及祥符杭本嘉祐蜀本李謝所據館閣本考其同異一以文勢義理及它書足可證驗者決之云嘉定戊辰三山鄭自誠刻而叙其後

韓文音義一卷

右右從政郎潭州寧鄉縣丞祝充所進也毛叔度爲之序張杓刻而叙其後

柳文音釋一卷

右南城童宗說編

韓集舉正一卷

右莫詳誰作而說云唐儒郭京有周易舉正三卷蓋以所得王輔嗣韓康伯註定真本舉正傳本之訛題義取此

文標集三卷

右唐集賢學士盧肇之文也肇字子發宜春人幼好學穎拔不群宜春令盧肇一見竒之曰子異日有聞乎由是愈激厲唐會昌二年預江西解試末送啓謝曰巨鼇顛顛首冠蓬山主文詢其謂對曰巨鼇不靈頑石在上一坐盡笑唐制取士許簾獻所業先察其

素時王起知舉肇爲書以獻起問曰鄉薦如公材幾何對曰皆才選也未易品判然如肇者亦猶沅江之鼈九肋實希繼而同舉黃頗進謁起問如初則曰捨頗其誰才起由是少頗而多肇之謙始李德裕以言事出爲宜春長史嘉肇文行異禮之至是德裕以言事遷太尉總樞柄絕朋黨晚進寒素難游其門獨肇入謁常許袍帶從容談論旣試有期知舉以取士白亦舊例也德裕曰某不薦人然喜今榜得一狀元矣迨試果魁中任著作郎遷京兆府司錄使相盧商裴休盧簡求爭辟之歷集賢學士歛宣池三州刺史所



至皆有可紀後爲吉州刺史卒

靈溪集七卷

右唐王貞白之文也貞字有道信州永豐人乾寧二年進士後七年調校書郎手編所爲詩二百篇命曰靈溪集云慶元中洪文敏公邁爲之序

別集二

趙韓王文集五卷

右韓忠獻王趙普之文也讀書志云文集三卷而敘述甚略希弁所藏文集一冊列劉昌言所作行狀于前記一表疏二十九附手詔批荅五奏狀劄子二十

五附 御詩二十一啓狀十詞帖三希弁又得其謝  
請班師批荅一表於 國史本傳賀平江南一表及  
與諸公遺書於 國朝文粹通六十八篇以 太宗  
皇帝御製神道碑冠于帙首并行狀爲一卷次以記  
又次以表疏又次以奏狀劄子又次以啓狀詞帖成  
五卷碑稱晚歲酷愛讀書經史百家常存几案強記  
默識經目諳心碩學老儒宛有不及又爲之銘曰經  
綸宏異學識通該傳亦稱普初以吏道聞寡學術及  
爲相 太祖常勸以讀書晚年手不釋卷謚以忠獻  
取慮國忘家薦可替否之法也追封韓王配享

太祖皇帝廟庭

韓魏王安陽集五十卷

右魏忠獻王韓琦之文也王安陽人故以名集王字  
維圭天聖五年進士第二人定策三朝功在國史  
神宗皇帝御製神道碑有云薨前一夕有大星殞于  
園中櫪馬皆鳴又曰公奉詔立皇子句被顧命立  
英宗爲皇帝句立朕以承祖宗之序可謂定策元  
勛之臣矣又爲之銘曰公行不歸中夕是悼尚想公  
儀淚落苑草復御篆十字填金以冠其額曰兩朝  
顧命定策元勛之碑贈尚書令謚忠獻取慮國忘家

文賢有成之法也追封魏王配享 英廟

楊文公武夷集二十卷

右楊文公億之文也景德丁未公所自編序於前曰  
目之武夷盖山林之士不忘維桑之情雕篆之文竊  
懷敝帚之愛命題之意盖以是也集凡五百七十五  
篇公兩爲翰林學士寇準得罪公憂畏而卒自唐大  
中後文氣衰濫 國朝稍革其弊至億乃振起風采  
與古之作者方駕矣景祐初贈禮部尚書謚曰文鎮  
國節度使駙馬都尉李遵勗乞加謚忠字奏雖不行  
詔付史館

种隱君江南小集二卷

右种放字明逸之文也明逸洛陽人少時往來嵩華間慨然有山林之志隱居終南豹林谷自號雲溪醉叟又號退士聞陳搏之風往見之放作樵夫拜庭下搏挽之而上曰君豈樵者耶二十年當為顯官名聞天下放曰放為道義官祿非所願也搏笑曰人之貴賤莫不有命貴者不可為賤亦猶賤者之不可為貴也君骨相當爾雖晦迹山林恐不能安異日當自知之太宗時召之不起真宗時召為左司諫獲其手登龍圖閣論天下事累遷工部侍郎嘗侍宴

真宗令群臣賦詩杜鎬以素不屬辭誦北山移文以  
譏之 真宗因出放所上時議十二篇謂近臣曰放  
爲朕言事甚衆但人無知者耳放一日晨興忽取前  
後章疏囊焚之服道士服召諸生飲與訣酒數行而  
卒年六十贈工部尚書集凡二百九十四篇乃淳化  
三年李介所編者序謂以所集之地定名故曰江南  
小集云

歐陽文忠公文集一百五十三卷附錄五卷  
廬陵歐陽先生六十一卷

右歐陽文忠公脩永叔之文也讀書志云文忠公集

八十卷諫垣集八卷希弁所藏一百五十三卷內居士集五十卷外集二十五卷易童子問三卷外內制十一卷表奏書啓四六奏議二十五卷雜著述十九卷集古錄跋語一十卷附錄五卷別一本六十一卷乃舊物也

張文定玉堂集二十卷

右張文定公方平之文也公字安道宋城人明道二  
年以茂材異等擢爲校書郎 神廟時參大政元祐  
六年終於太子少師致仕贈司空謚文定公出入兩  
禁垂二十年一時大典多出其手劉忠肅嘗序其玉

堂集二十卷乃在東坡所序樂全集四十卷之外淳熙九年錫山尤袤重刻于江西漕臺

范文正公奏議十五卷

右范文正公仲淹之奏議也皇祐五年韓魏王爲河東經畧安撫使知并州時所序也公字希文蘇州人  
中進士第嘗與韓魏王開府涇州經畧邊事元昊請  
和召拜樞副除參知政事以資政殿學士戶部侍郎  
卒贈兵書謚文正 上篆其碑額曰褒賢別有丹陽  
集二十卷東坡先生序之

王岐公華陽集一百卷



右王文恭公珪之文也大觀二年詔故相歧國王公之家以文集來上其子朝奉大夫管勾南京鴻慶宮上護軍仲修等表進之許光疑爲之序公字禹玉成都華陽人也舉進士廷試第二以左僕射歧國公薨于位贈太師謚文恭紹聖中爲章惇所誣追貶萬安軍司戶元符三年其子仲修訴父寃乃盡復故官贈謚及蔡京用事又以珪爲臣不忠入黨籍哲宗嘗篆其碑額曰懿文徽宗又賜之曰元豐治定弼亮功成

范忠宣公文集二十卷

右范忠宣公純仁之文也後三卷乃國史載公本傳及行狀公字堯夫文正公次子以恩補太祝中皇祐元年進士第再相元祐之間元符末自潁昌以大觀文中太一宮使召以疾不赴薨上覽遺表震悼贈開府儀同三司謚忠宣賜其墓碑曰世濟忠直曾文昭公銘之四明樓鑰序其文別有臺諫論事五卷邊防奏議二十卷又在此文之外

劉忠肅公文集四十卷

右劉忠肅公摯之文也忠肅制誥附于後元城先生劉安世序之公名摯字莘老永靜軍東光人嘉祐中

登進士甲科元祐六年拜右僕射出知鄆州紹聖四年責鼎州團練副使新州安置薨死詔許歸葬追復觀文殿學士中興贈少師謚正肅以家諱改忠肅

陳忠肅公諫垣集二卷

右陳忠肅公瓘所作也瓘字瑩中延平人元豐二年進士甲科徽宗朝爲右正言遷右司諫坐黨籍除名勒停送袁州編管崇寧初移廉州又移郴及彗出仆黨碑乃得自便靖康初贈諫議大夫擢其季子爲密院檢詳嘗因奏對許刊其家集云

道鄉鄒忠公奏議十卷

右鄒忠公浩之文也龜山先生爲之序公字至全常州晉陵人舉進士累遷右正言上疏諫立劉皇后除名新州羈管然世所傳疏其辭詆訐蓋當時小人僞爲之以激怒者也公之子柄後因賜對首辨此事且繳元疏副本上之詔付史館贈公寶文閣直學士謚曰忠

趙豐公忠正德文集十卷

右豐國趙忠簡公鼎之文也始號得全居士集周文忠公序之曰高宗中興用宰相十五人曰忠曰正曰德曰文兼而有之者其惟趙公元鎮乎此非私言

高宗大書賜公云爾遂以名其集又謂唐用兵伐叛  
詔書付宰相乃下處報機急武宗必命德裕起草與  
公事業如出一揆又謂德裕自分司東都貶潮之司  
馬鼎奉祠四明以散官安置于潮德裕貶朱崖司戶  
而卒公亦移置此地薨按公薨於紹興十七年乾道  
四年賜謚忠簡 上曰此謚甚稱陳俊卿曰真所謂  
正直無邪曰簡追封豐國公贈太傅配食 高朝

胡文定公武夷集十五卷

右胡文定公安國之文也公之子太常丞寧輪對奏  
事 上問乃父既解釋春秋尚當有他論著其具以

進徽猷閣直學士左承議郎致仕寅遂表上之安國  
字康侯建之崇安人中紹聖四年進士第終于寶文  
閣直學士謚文定

吳康肅公湖山集四十三卷別集一卷和陶  
詩三卷附錄三卷

右吳康肅公芾之文也附錄則行狀神道碑及謚誥  
周益公爲之序公字明可台之仙居人紹興二年進  
士中第嘗爲御史歷吏戶禮刑少常伯給事中以龍  
圖閣直學士致仕卒謚康肅自號湖山居士云

忠恪章公文集二十卷

右章忠恪公誼之文也公字子且叟丹陽人崇寧二年  
進士建炎三年通判杭州苗劉之變公正色以斥時  
希孟二賊就擒擢倉部外郎累遷樞密都承旨同孫  
近使金國歸拜刑部尚書終於端明殿學士提舉明  
道宮謚忠恪集乃陳季習序

許右丞襄陵文集二十二卷詩二卷行狀一卷  
右尚書右丞許翰之文也翰字崧老拱之襄邑人登  
元祐進士第建炎初元自提舉鴻慶宮召拜右丞屢  
章丐罷除資政提舉洞霄宮紹興二年以提舉萬壽  
觀召懇求外祠又乞致仕道卒于吉州贈光祿大夫

行狀中載其章疏爲多

李莊簡公文集二十卷

右李莊簡公光之文也光字泰發紹興中叅知政事  
庚申歲虜敗盟奪河南地光在榻前攻檜之短遂罷  
尋謫藤州移瓊州又移萬安檜死量移郴已卯用赦  
放還舟行至江州而卒

洪文惠盤洲集八十卷

右文惠公洪适之文也公字景伯紹興十二年與文  
安公遵同中博學宏詞科宰臣進呈所試制詞高  
宗曰父在遠子能自立可嘉宜與陞擢遂除勅令所



刪定官後三年文敏公邁亦中選由是洪氏文名滿天下適以乾道元年十二月拜通奉大夫尚書右僕射兼樞密使淳熙十一年二月薨於家前自撰遺表上之神道碑謚議附于集後

孫尚書大全集五十七卷

右孫覲之文也覲字仲益蘭陵人大觀三年進士常以靖康間文字得罪廢徙久之終於左朝奉郎龍圖閣待制

趙中書棲雲集二十五卷

右中書舍人趙之文達字莊叔紹興辛未入奉大

對 天子親擢爲第一嘗卜居溪山間榜之曰棲雲  
故名其集潘文壽編周麟之所撰墓誌附于後

徐學士北門集十二卷

右徐鳳之文也盧壯父刻于瑞陽

王荆公詩註五十卷

右李文懿公壁所註魏文靖公了翁序

孔毅父詩戲一卷

右孔平仲毅甫之詩也向子諲跋之平仲父延之字  
長源生文仲武仲平仲皆登制科晚又得子極穎悟  
多才思有故人見其三子旣顯貴以書勸長源歸休

長源報書云某又有一子年七歲能作梅花詩云舊  
葉落未盡新花開更繁俟其及第則致仕未幾而夭  
黃直講泉書十卷

右國子監直講黃君俞之說也觀其自序蓋 仁廟  
時閩人也所謂六經闕言二傳節適三史訓彛五經  
續註六代史記惜不得而見之矣

葛堯集十卷

右從政郎差充嚴州州學教授鄭範撰進九五十篇  
一曰叙篇叙述其所以言之意云

別集類三

河東先生文集十五卷

右如京使知滄州河東伯柳開字仲塗之文也讀書志云柳仲塗集一卷希弁所藏乃十五卷咸平三年張景序云緝其遺文得九十六首成十五卷命之曰河東先生集行狀附于後亦景所撰也開著書號東郊野夫又號補亡先生作二傳以見意開垂絕語景曰吾十年著一書可行於世景爲名之曰默書辭義稍隱讀者難遽曉今載文集第一卷第一篇凡六百二十三言

濂溪先生大成集七卷

濂溪先生大全集七卷

右周元公頤字茂叔之文也濂溪在營道之西蓋營  
川之支流也先生既不能返其故鄉卜居廬山之下  
築室溪上名曰濂溪書堂以無忘父母之邦之意學  
者因號爲濂溪先生 國朝道學始於先生嘉定十  
二年賜謚曰元太常丞臧格取主善行德之法也淳  
祐初元 詔從祀于學封春陵伯始道守蕭一致刻  
先生遺文并附錄七卷名曰大成集進士易統又刻  
于萍鄉名曰大全集然兩本俱有差誤今併參校而  
藏之

明道先生文集四卷遺文九篇

右程純公顥字伯淳之文也太師潞國公文彥博題其墓曰大宋明道先生程君伯淳之墓第頤序其所以而刻之嘉定十二年謚曰純公取法所謂中正粹精也淳祐初詔從祀于學封河南伯此集并伊川集刻于長沙者南軒先生識其後曰右遺文九篇新安朱熹得之玉山汪應辰者敬授教授何蘊俾嗣刻之

河內先生文集六卷

右太常博士尹源字子漸之文也源與弟洙俱以儒

學知名趙元昊寇邊圍定川堡大將葛懷敏發涇原  
兵救之源與懷敏書曰賊舉其國而來其利不在城  
堡而兵法有不得而救者且吾軍畏怯見敵必赴而  
不計利害此其所以數敗也宜駐兵瓦亭見利而後  
動懷敏不能用今此書不見於集中

河南先生文集十五卷

右起居舍人尹洙師魯之文也讀書志云尹師魯集  
二十卷希弁所藏二十七卷洙傳中所載亦同希弁  
嘗攷邵氏聞見錄云錢惟演守西都起雙桂樓建臨  
園驛命求叔師魯作記求叔文先成凡千餘言師魯

曰某止用五百字可記文成永叔服其簡古永叔自此始爲古文然二記皆不載於集中

彭城先生文集六十卷

右中書舍人劉放字貢父之文也放與兄敞同學自刻厲博讀群書遂偕中第或曰原父將死戒子弟無得遽出其集曰後百餘年世好定當有知我者故貢父次其集藏之不肯出私謚曰公是先生貢父平生亦好諧謔與荆公素厚坐是亦相失及死子弟亦次其文私謚曰公非先生然今謂原父之文爲公是集貢父止曰彭城集云



東坡先生別集三十二卷續別集八卷

右東坡先生別集續別集乃蘇公嶠刊置建安而刪略者淳祐甲辰廬陵郡庠刊

豫章先生別集集二十卷黃文纂異一卷

右豫章先生別集乃前集外集之未載者淳熙壬寅先生諸孫蕃所編也

右山先生文集五十五卷

右陳師道無已之文也讀書志云二十卷

希弁所藏

乃紹興二年謝克家所叙者或謂二十卷者乃魏衍所編而讀書志不載

清真先生文集二十四卷

右周邦彥字美成之文也 神宗時嘗奏汴都賦七

千言 上命近臣讀於繭英閣由諸生爲學官

哲宗寘之文館 徽宗列之郎曹嘗守四明故樓忠

簡公鑰序而刻之

玉池先生文集十二卷

右鄧忠臣字謹思之文也即覆議范忠宣公謚者以

此入黨籍 以欽宗踐祚贈直祕閣

初寮先生前集四十卷後集十卷

右王安中字虛復道之文也讀書志止載初寮集十卷

希舟所藏乃周益文忠公必大亨前集 中興以前  
後集 中興以後文也內外制二十六卷則李文敏  
公邴序

西塘先生文集二十卷

右鄭俠字介夫之文也熙寧中監安上門時久不雨  
公以本門所見飢民及新法之不便者爲圖狀發馬  
遞經銀臺投進且曰如行臣之言十日不雨乞斬臣  
宣德門外 神宗觀圖長噓命馮京等體量新法而  
寢罷之大開倉庾以賑飢民下責躬詔三日大雨荆  
公率百僚入賀 上出奏疏并圖以示之附麗新法

者爭言公詆毀良法直奏驚御遂得罪云 中興初  
贈朝奉郎官其孫一人

元澤先生文集三十六卷

右王雱字元澤之文也雱未冠著書已數千百言舉  
進士爲旌德尉作策三十餘篇極論天下事又作老  
子訓傳及佛書義解亦數萬言有以雱書聞者召見  
除太子中允崇政殿說書被 旨撰詩書義權天章  
閣待制書成遷龍圖閣直學士雱不拜而卒雱論議  
刻深常稱商君以爲豪傑之士言不誅異議者法不  
行嘗勸安石誅不用命大臣政和中封臨川伯徙祀

于學靖康初罷之集乃崇寧中盧崇編

忠惠先生文集三十卷

右翟汝文字公巽之文也公巽丹陽人年十四登進士第徽宗朝爲左史給事中吏部侍郎欽宗朝召直翰苑紹興中叅知政事終于資政殿學士提舉洞霄宮私謚忠惠文乃其子耆年編次附忠惠先生家傳于後

梁谿先生文集一百七十卷

右李忠定公綱之文也公字伯紀邵武人寓于常州無錫梁谿因以爲號政和元年進士乙科宣和初爲

起居舍人以大水章䟽罷黜靖康初為右丞親征行營使俄知樞密院河東北宣撫使罷知揚州提舉洞霄宮責授昭化節度副使建昌軍安置 高宗即位召拜右僕射凡七十五日而罷後贈少師謚忠定奏議中 欽宗批荅為多集有陳俊卿序朱文公後序浮溪先生文集六十卷猥橐外集一卷

龍溪先生文集六十卷

右汪藻字彥章之文也讀書志止載注彥章集十卷希弁所藏浮溪龍溪兩本卷秩皆六十卷藻德興人崇寧二年進士建炎中為中書舍人權直院紹興中

爲兵侍改翰林出知湖州改撫州提舉太平宮黜居  
于永累赦不宥凡八年而卒藻工於儷語所爲制詞  
人多傳誦集乃孫覲序

北海先生文集六十卷

右綦密禮字叔厚之文也叔厚高密人登政和上舍  
進士第仕高宗爲翰林學士終寶文閣學士高密  
郡侯贈朝議大夫楊萬里樓鑰爲文集序行狀墓誌  
附于後

致堂先生斐然集三十卷

右禮部侍郎胡寅字明仲之文也章穎爲序然與高

閱書責其請幸太學報秦檜書所謂願公修政任賢  
勿替初志尊王攘狄以開後功之說皆不載焉

玉山先生表奏六卷

右汪應辰聖錫之文也本名洋紹興五年進士第二  
黃中以有官遂升洋為第一洋乞避遠祖嫌名高  
宗以其與王拱辰皆年十八遂賜今名

五峯先生文集五卷

右胡宏字仁仲之文門人張栻所序也

南軒先生文集四十四卷

右張宣公栻字敬夫之文也朱文公校定而為之序



然紫巖碁圖跋語之類皆不載於集中

晦庵先生文集一百卷續集一十卷

右朱文公之文嘉熙己亥王埜刻于建安黃壯猷嗣成之識于後續集則王遂刊而序之然南康黃西坡諸處所刻墨帖之類或不在焉然則遺逸尚多有之

象山先生文集二十八卷外集四卷

右陸文安公九淵字子靜之文也嘗作書院於象山之上以待講學之士因以自號集有袁燮楊簡序嘉定十三年賜謚行狀謚議附

復齋先生文集六卷

右陸文安公之兄九齡字子壽之文也東萊呂太史所作墓誌附

水心先生文集二十八卷

右葉適字正則之文也門人趙汝諱序而刻之水心其自號云

竇勳先生初集三十卷續集三十八卷

右陳耆卿字壽老之文也壽老台之臨海人初集葉水心爲之序吳子良併刻于江西漕司於中沂邸牋表爲多

頤堂先生文集五十九卷碧雞漫志一卷長

短句一卷祭文一卷

右王灼晦叔之文也灼遂寧人嘗佐總幕故趙公爲之序漫志可以見樂府之源委

鶴山先生文集十三卷後集十卷續集十三卷別集十一卷

右魏文靖公了翁字華父謫靖州日所作故名渠陽集云

雁湖先生詩集四十卷

右李文懿公壁字季章之詩也壁文簡公燾之子嘗爲參知政事神道碑附于集後真文忠公德秀所作也

滄洲先生塵缶編三十五卷內外制二十四卷  
右程先生公許之文也先生字季與眉桂枝人嘉定  
辛未進士嘗以禮部侍郎兼侍講 聖上親御翰墨  
以桂枝永芳世家及南山滄洲字賜之臞軒王邁爲  
之序其集希弁生父郴倅墓銘先生筆也

總龜先生松菊集五卷

右阮閱之詩也建炎初以中奉大夫知袁州

三山張先生質言四卷

右張淵叔潛撰叔潛三山人嘗爲左宣教郎樞密院

編修云

石室先生百論十卷

右陸子才所進也君論三十篇政事論二十篇臣論三十篇攻守論二十篇各有其目云

別集類四

莆陽居士蔡公文集三十卷

右蔡忠惠公襄字君謨之文也讀書志止載蔡君謨集十七卷希弁所藏三十卷乃公之曾孫刑部郎沈所刊者陳叅政騷序

得得居士乘桴集三卷鷺草二卷

右任忠敏公伯雨字德翁之文也公眉山元豐五

年進士爲左正言僅半歲而上一百八疏以黨事編管通州遷僭耳移道州復官提點明道宮卒紹興中累贈右諫議謚忠敏集首刻朱震所作行狀

藏六居士安樂集十二卷

右安定郡王令時之文也王字德麟東坡先生爲字說又嘗薦之乞召致館閣以風厲天下紹興初同知大宗正襲封安定薨之日嗣濮王仲湜言其貧無以殮乃命戶部賜銀絹二百匹兩贈開府儀同三司王薦宗室彙中所謂和衍自將居貧不撓則有右從政郎子孟者希弁曾大父涇愿先生字醇父也家藏王之

墨蹟爲多近時諸賢皆跋之

退齋居士文集二十八卷

右起居舍人侯延慶字季長之文也季長衡山人政和六年進士嘗侍講筵高宗取杜詩直臣寧戮辱賢路不崎嶇之句書扇以賜之兄彭老所爲誌銘附集後

介庵趙居士文集十卷

右趙彥端字德莊之文也德莊寓居南昌登紹興八進士第出更麾節入踐臺省凡奏對獻策陳述利害如蠲丁錢講治體禦敵守邊之謀用兵行賞之規議

論醇正卓然皆有可用之實淳熙十四年江西運副趙彥操刻之

于湖居士文集四十卷

右張孝祥字安國之文也安國歷陽人紹興甲戌大魁多士明年入館浸登清華至中書舍人出典藩郡孝宗皇帝嘗有用不盡之嘆安國筆法妙天下希弁伯祖伯崇得其詩曰趙侯富貴種而有巖壑姿同姓古所歎早晚躡天墀又云德高欲余作字醉中不能謹也安國書德高乃伯祖字也

介庵張居士文集七卷



右張耕字莘翁之文也莘翁嘉泰壬戌進士終于清江別駕希弁妻之諸父也故生父師回爲之序繼而程公許亦序之行狀則今應大叅櫛之筆

雪齋居士文集二十卷

右導江王咨字夢得之文也門人計運孫援李漢泉昌黎文章故事爲序咨嘗知劍州其訓詞有曰早登儒科文采著見父更民事爲朕所知云

李泰伯退居類彙十二卷皇祐續彙八卷常語三卷周禮致太平論十卷後集六卷

右李觀泰伯之文也觀盱江人嘗試制科六論不得

其一曰吾書未嘗不讀必孟子註疏也擲而出人爲  
檢視之果然遂下第而歸後以海門簿召赴太學說  
書以卒嘗自類其所爲文曰天將壽我與所爲固未  
足也不然斯亦足以藉手見古人矣其詳見於

國朝儒學傳希弁嘗得修梓山寺殿記云應茂材異  
等科李覲撰然不載於彙中

續元豐類彙四十卷

右南豐先生遺文也建昌郡丞陳東叔魯刊而叙之

掖垣類彙七卷玉堂類彙二十卷

右周益文忠公必大之文也公自爲之序

性善堂彙十五卷

右度正周卿之文也曹文簡公彥約爲之序周卿巴川人紹熙元年進士嘗爲禮部侍郎

志隱類彙二十卷

右許開仲啓之文也信安陳昞爲之序開嘗爲中奉大夫提舉武夷冲祐觀清江二王帖開爲守時所刻

東溪詩彙六卷

右許玠介之之詩也周益公嘗親寫其漢宮春夜朱陵洞詞古別離出塞曲四篇而跋之

友林詩彙二卷

右史彌寧安鄉之詩也集有黃景說曾序安鄉嘉定中以國子舍生之望泣春坊事帶閣門宣贊舍人知邵陽

雙峯猥稟八卷

右舒邦佐平叔之文也開禧丙寅劉德秀為之序平叔豫章雙谿人也

湘中類藁三卷

右楊叔虎文若之詩也環澗王容為之序文若長安人為武成宮諸生第一嘗任陰平太守得罪謫長沙云

栳楮奏藁一卷

右唐璘伯玉之妻矣疏也刻于江東漕司籌思堂

孚齋又錄十卷

右張翊仲龍之文也李良爲之序翊三山人嘗以隆興倅攝秦州

腴齋詞藁三卷

右段允迪之作也允迪濟陽人乃武人之能文者陳朴厚黃庚序

金陵吏餘四卷

右劉渠帥建康日所作詩詞也

豫章雜著二卷

右馬某分教隆興日所作詩文也

雲壑隱居集三卷浩歌集一卷

右蔡柟堅老之作也柟嘗爲宜春別駕云

閑止堂集一卷

右沈弁德遠之作也趙蕃爲之序弁之子兢莊可亦以詩名自號菊山此集乃莊可之手寫

碧崖詩集五卷

右閻皂山羽士甘夢叔叔懷之詩也叔懷嘗登晦庵誠齋之門楊長孺爲之序

東山詩文選十卷

右葛紹體元承之作也家大酉應徽爲之序葉夢鼎跋其後行狀墓誌附焉

煮瀑庵詩一卷

右莆陽方左鉞武成之詩也劉克莊所作墓誌附

葛無懷詩一卷

右會稽葛天民無懷之詩也

語錄類

河南程氏遺書二十五卷附錄一卷外書十

二卷

右李顥呂大臨謝良佐游酢蘇昞諸人記二先生語  
十卷劉絢錄明道語四卷劉元永楊遵道周孚張繹  
唐棣鮑若雨鄒柄暢大隱諸人錄伊川語十三卷附  
錄則明道行狀劉立之朱光庭邢恕范祖禹敘述游  
酢書行狀後呂大臨哀詞明道墓表伊川年譜張繹  
祭文胡安國奏狀外書則拾遺也朱光庭錄二卷陳  
淵本程氏學馮氏本羅氏本胡氏本游氏本春秋錄  
大全集時氏本傳聞雜記各一卷朱文公記其後

橫渠先生語錄三卷

右張獻公載字子厚之語也公秦人舉嘉祐二年進



士歷崇文檢書同知太常禮院議禮不合復以病請  
歸卒門人謚爲明誠中子呂大臨爲謚議有正蒙理  
窟一書行于世嘉定中有旨賜謚禮官議謚曰達  
或者不以爲然改議曰誠或者又以謚法至誠感神  
爲疑久之乃謚曰獻淳祐初從祀于學封郿伯云

橫渠先生經學理窟一卷

右張獻公載之說也讀書志云理窟一卷右題金華  
先生未詳何人爲程張之學者希弁所藏橫渠先生  
經學理窟一卷其目有所謂周禮詩書宗法禮樂氣  
質義理學大原自道祭祀月令統喪紀九十二云

元城先生語錄三卷譚錄一卷道護錄兩卷  
右劉忠定公安世字器之之語也維楊馬永卿大年  
爲之序器之大名人中熙寧六年進士第 哲宗朝  
歷正言左史司諫右諫議中書舍人貶黜久之至除  
名勒停送峽州編管起提舉鴻慶復直龍圖閣以卒  
昔有與蘇子瞻論元祐人才者至公則曰器之真鐵  
漢不可及也

龜山先生語錄四卷

右楊文靖公時字中立之語也公閩人與游定夫謝  
顯道俱從游於明道先生之門嘗以著庭兼通英殿

說書遷祭酒擢右諫議除徽猷閣直學士工部侍郎  
兼侍講紹興五年卒初入見之際首言自古聖賢之  
君未有不以講學爲先務者 上深然之

上蔡先生語錄三卷

右門人記錄謝先生良佐字顯道之語也

延平先生問答一卷

右延平先生李侗愿中之語而晦庵先生所錄也

晦庵先生語錄四十三卷

右廖德明輔廣余大雅陳文蔚李閔祖李方子葉賀  
孫潘時舉董銖竇從周金去偽李季札萬人傑楊道

夫徐寓林恪石洪慶徐容甘節黃義剛晏淵襲蓋卿  
廖謙孫自修潘履孫湯泳林夔孫陳埴錢木之曾祖  
道沈憫郭友仁李儒用三十三人記錄晦庵先生之  
語也李文惠公道傳持江東庾節刻于池陽黃榦書  
于目錄之後

晦庵先生語續錄四十六卷

右黃榦何鎬程端蒙周謨潘柄魏椿吳必大黃當楊  
若海楊驥陳淳童伯羽鄭可學滕璘王力行游敬仲  
黃升卿周明作蔡惠楊與立鄭南升歐陽謙之游倪  
楊至潘植王過董拱壽林學蒙林賜李儒用胡泳呂

壽黃義剛呂壽昌楊長孺吳琮等四十一家記錄晦庵先生語也內五家莫詳姓氏後一卷則前錄廖德明潘時舉董銖萬人傑徐寓林恪所遺也李性傳叙而刻之鄱陽

朱子語略二十卷

右楊與立編次晦庵先生之語蕭一致刻于道州

師誨三卷附錄一卷

右吳必大記錄晦庵先生之語朱鑑刻于興國

近思錄十四卷

右晦庵先生東萊先生集周張二程之說也

續近思錄十四卷

右寶慶丁亥蔡模纂晦庵先生之語以續之

五峯先生知言一卷

右胡子宏字仁仲之說也門人張栻序之曰先生優游南山之下餘二十年玩心神明不舍晝夜力行所知親切至到析太極精微之蘊窮皇王制作之端此書乃平日之所自著其言約其義精晚歲嘗被召旨不幸寢疾不克造朝而卒云近世朝廷嘗索其書而賜之謚

無垢先生心傳錄十二卷

右張文忠公九成字子韶之說也甥于恕編公以紹興三年狀元及第歷禮部侍郎兼侍講謫居南安十四年手不停披歲久庭蹟依然公題于柱曰予平生嗜書老來目病執書就明于此者十四年矣倚立積久雙趺隱然可一笑也因自號橫浦居士寶慶初贈太師追封崇國公謚文忠云

橫浦日新二卷

右門人郎曄記錄無垢先生之說也

南軒先生問答四卷

右張宣公拭敬夫荅門人之所問也敬夫魏國忠獻

公之嗣子也忠獻都督諸軍事奏以公書寫機宜文字以軍事入見 天子異其言 詔以為直祕閣劉珙薦公學行志業遂與郡召為吏部員外郎兼侍講除左司知靜江治狀上聞特轉承事郎除脩撰為湖北運副知江陵而卒且死猶手草遺表寫畢而絕學者稱為南軒先生嘉定八年賜謚

張子太極解義一卷

右張宣公解周元公太極之義也

二十先生西銘解義一卷

右明道伊川呂大防微仲呂大臨與叔揚時中立游



酢定夫尹焞彥明劉安節元承鮑若兩商霖李朴先  
之張九成子韶胡銓邦衡許景衡少伊郭雍子和謝  
諤昌國劉清之子澄張維祝禹圭錢聞詩子言張拭  
敬夫解橫渠先生西銘之義也

無極太極辨一卷

右朱文公陸梭山象山往復論難之書也

復禮齋語錄一卷

右楚澤李著見之說也亦名桂林語錄

總括夫子言仁圖一卷

右李著所著也

群經新說十二卷論五經疑難新說三卷

右荆國文公王安石之說也

傳道精語三十卷後集二十六卷

右李方子編濂溪康節橫渠明道伊川晦庵南軒東萊之說類而集之

勉齋先生講義一卷

右黃文肅公榘所講孟子義二十篇也

總集類

古文苑九卷

右古文苑世傳孫巨源於佛寺經龕中得唐人所藏

文章一編莫知誰氏錄也皆史傳所不載文選所未取而間見於諸集及樂府好事者因以古文苑目之自石鼓文而下曰賦曰詩曰歌曰曲曰敕曰書曰對曰頌曰箴曰銘曰贊曰記曰碑曰雜文皆周秦漢人之作也容齋隨筆嘗引之然訛舛謬缺不敢是正淳熙中韓元吉之記已言之

文苑英華一千卷

右翰林學士中書舍人宋白等奉敕集始太宗皇帝旣得諸國圖籍聚名士于朝詔修三大書其一曰文苑英華蓋以諸家文集其數實繁雖各擅所長亦

榛蕪相間乃命白等精加銓擇以類編次爲一千卷  
時太平興國七年九月也雍熙三年十二月壬寅上  
之賦五十卷詩一百八十卷歌行二十卷雜文二十  
九卷中書制誥四十卷翰林制誥五十三卷策問四  
卷策二十六卷判五十卷表七十四卷牋一卷狀十  
七卷檄二卷露布二卷彈文一卷移文一卷啓十六  
卷書二十七卷疏五卷序四十卷論二十二卷議十  
卷連珠喻對一卷頌八卷讚五卷銘六卷箴一卷傳  
五卷記三十八卷謚哀冊五卷謚議二卷誄二卷碑  
九十一卷誌三十五卷墓表一卷行狀十卷祭文二

十三卷通一千卷嘉泰改元周益公刻而記于前

樂府集十卷樂府序解一卷樂府雜錄一卷

羯鼓錄一卷

右劉次莊所序也古樂府之所起二十二橫吹曲二十四日月雲霞十九時序十一山水二十三佛道十二古人十七童謠三古婦人二十三美女十六酒六音樂十一遊樂十三離怨二十八雜歌行五十七都邑四十六宮殿樓臺十六征戍弋獵十七夷狄六蟲魚鳥獸三十三草木花果二十五次莊元祐間人也樂府雜錄一卷朝議大夫守國子司業上柱國賜紫

金魚袋段安節撰羯鼓錄一卷婺州刺史南卓撰乃唐人也讀書志載古樂府於別集類而載段卓二錄於樂類希弁所藏本乃刊三書爲一集云

國朝二百家名臣文粹三百卷

右論著二十二門策四門書十門碑記十二門序六門雜文八門總目六分門六十二所謂二百家者趙普柳開張齊賢田錫寇準張詠王禹偁孫何楊億劉筠陳堯咨錢惟演种放王曾夏竦晏殊穆脩范仲淹孫堪宋庠宋祁余靖尹洙韓琦包拯文彥博孫甫孫抃蔡襄田況石介歐陽脩元絳富弼張方平趙抃蘇

舜欽祖無擇司馬光范鎮鮮于侁邵必呂誨邵亢李  
觀王珪王安石韓維陳襄孫復王令崔公度劉敞王  
逢強至章望之劉恕周敦頤錢公輔文同孫覺鄧潤  
甫孫洙鄭獬楊繪劉攽蒲宗孟李清臣梅堯臣蘇洵  
呂惠卿曾鞏王無咎蔣之奇蘇軾蘇轍程顥王韶張  
載王回邵雍王鞏顏復胡宗愈劉摯章惇楊傑李常  
王觀孔文仲孔武仲范祖禹袁默呂陶鄧綰孫覽呂  
大臨張舜民張商英許安世鄭俠王雱黃庭堅曾肇  
顧臨史均陸佃龔原王巖叟劉涇劉安世張耒吳拭  
王安國徐禧楊時吳儔陳瓘晁補之劉夙揚天惠黃

裳張剛鄒浩馮澥任伯雨周邦彥程頤秦觀李廌陳師道何去非王庠李之儀蘇過謝逸馮存鄭少微崔鷗馬洎李新王當侯溥唐庚晁詠之翟汝文范致明王雲宇文粹中王賞彭俊民汪藻汪伯彥黃定梅執禮蘇元老劉觀喻汝礪陳恬余安行唐重孫覿李若水王騰陳公輔韓駒林敏功何臬李良臣洪皓胡宏范宗尹計有功劉一止熊彥詩楊椿馮時行張九成趙雍何熙志程敦厚張行成邵博黃成孫王之望李燾晁公邁劉望之宋遠孫洪邁郭雍張拭趙遠李右張震張孝祥楊萬里王十朋趙雄



皇朝名臣經濟奏議一百五十卷

右淳熙中趙忠定帥蜀時所進也一君道二帝繫三天道四百官五儒學六禮樂七賞刑八財賦九兵政十方域十一邊防十二總議自建隆迄靖康推尋歲月旣見本末忠定自序於前紹熙之末忠定有定策功爲侂胄誣貶乂而論定賜謚追王配食寧廟游侶誌其神道之碑 御篆額曰宗老元勛云

宗藩文類六十卷

右魏邸鑰夫銓次也 三祖而下各以昭穆編叙之凡朝廷之所褒嘉者爲詔爲制二十五卷凡名公

鉅卿相與贊述者爲表奏爲記序爲賦頌爲詩歌與夫碑銘祭文等作三十五卷魏了翁爲之序端平己亥鑰夫自蜀來訪扣未盡之書希弁嘗以一二補其闕渠深惜 太祖派下文字獨少旣而欲以 燕王秦王初除防禦使制達之而未能云

古文正宗前集二十二卷後集十二卷

右集諸儒評論先秦兩漢三國二晉六朝唐及我宋諸公之文也

諸儒鳴道集七十二卷

右集濂溪涑水橫渠二程上蔡元城龜山橫浦諸公

議論著述也於中有江民表心性說一卷安正志筌集十卷崇安聖傳論二卷

宋賢體要集十三卷

右集曾鞏歐陽脩王安石王令王安國吳子經周賈父王雱陳之方蘇軾蘇轍孫洙杜植曾宰鄭獬范鎮唐介姚闢所作也

夏玉前集四十九卷後集五十卷

右紹興壬戌楊存亮元明編近世諸公舉業雜文類而次之

中興六臣進策十二卷

右紹興五年前宰執呂頤浩李綱汪伯彥李邴張守  
王絢韓肖胄荅 詔旨所問戰守方畧之策也

中興群公吟藁四十八卷

右中興以來一百五十三人之詩也

四靈詩四卷

右趙師秀字靈秀翁卷字靈舒徐璣字靈囷徐照字  
靈暉四人之詩也

法帖類

御製太清樓閱書歌一卷

右 眞宗皇帝御製賜張耆以下 徽宗皇帝 高

宗皇帝跋其後

御製唐十八學士圖贊一卷

右 欽宗皇帝御書賜張叔夜

御書真草孝經一卷

右 高宗皇帝御書賜尚書右僕射兼樞密使秦檜  
時紹興九年六月辛酉檜請刻之石 上曰十八章  
世人以爲童蒙之書不知聖人精微之學不出乎此  
朕宮中無事因學草聖遂以賜卿豈足傳後檜請再  
三乃從之十四年七月從左宣教郎守殿中侍御史  
汪勃所請 詔令諸州刊石賜見任官并係學籍諸

生云

御臨法帖十卷

右 高宗皇帝臨晉唐諸人之帖也秦檜跋

御製 聖安壽仁太上皇帝聖政序一卷

右 寧宗皇帝御製 光宗皇帝聖政序也謝深甫

跋其下

淳熙祕閣續法帖十卷

右淳熙十二年三月十九日奉 聖旨摸勒鍾繇諸

人帖

群玉堂帖十卷

右嘉定元年四月二十四日省劄下秘書收省藏蓋  
韓平原家本也故卷尾有印曰閱古審定法書之印  
永興軍節度使印篇首則 三朝宸翰有璽文曰吳  
娃之章吳氏書印吳娃翰墨寶章妙墨宜爾子孫世  
世寶之康壽珍玩皆 憲聖慈烈皇后之記也

二王帖三卷

右清江所刻羲之獻之帖也二像冠于篇端引周子  
中之言曰心慕二王之人品則瞻之在前手追二王  
之墨妙則忽然在後目錄註釋具于卷末

篆書千文一卷

右徐鉉篆周興嗣之韻也希弁嘗攷 徽宗皇帝實  
錄政和三年四月辛卯 詔避 廟諱改曰嚴與敬  
爲曰嚴與謹勞謙謹勅爲勞謙兢勅籍甚無竟爲籍  
甚無罄璇璣懸幹爲璇璣遷幹云

星鳳樓帖

右曹文簡公彥約家所刻也

甲秀堂帖

右廬山陳氏所刻也

鳳墅帖二十卷畫帖二卷續帖四卷

右廬陵曾宏父刻 國朝聖賢帖也



東坡先生帖三十卷

右玉山汪應辰聖錫所刻也

山谷先生帖五卷

右張孝祥跋山谷之姪影所藏卷後引 徽宗皇帝  
評公之書謂如抱道足學之士坐高車駟馬之上橫  
斜高下無不如意云

張忠文奏議一卷

右張忠文公叔夜圍城中奏議也李綱李彌遜趙子  
道胡世將沈調諸公跋其後

趙延康帖

右 高宗皇帝賜趙子崧書一幅後用 御名圖書  
其次則子崧與張邦昌一書與王時雍諸人一書親  
筆也

張魏公帖一卷

右忠獻公帖篇端紫巖基圖乃忠獻及陳逍遙之老  
畫像南軒先生跋其下

張宣公帖四卷

右南軒先生帖遺表終焉表云臣再世蒙恩一心報  
國大命至此厥路無由猶有微誠不能自己伏願  
陛下親君子遠小人信任防一己之徧好惡公天下

之理永清四海克鞏丕圖臣死之日猶生之年臣杖  
朱文公帖六卷

右南康黃西坡所藏先生之帖而郡守錢明德并項  
平庵跋語刻之於中可以補晦翁大全集之闕者爲  
多

張紫微帖一卷

右歷陽張孝祥帖尋陽陶思贊所刻

歐陽公集古錄跋尾六卷拾遺一卷

右周益公跋方崧卿所刊雖非石刻亦真蹟也故附  
于法帖之後

拾遺

春秋集善十一卷

右胡忠簡公銓爲敷文閣直學士提舉江州太平興國宮日被旨投進之書也其說多引易以證之張忠獻公浚爲之序

論語集程氏說二卷

孟子集程氏說一卷

右左宣教郎建寧府教授湯烈編集程氏二先生論孟說也二先生議論答問散在諸集學者未能徧觀烈取遺書語錄與夫門人編纂之言條而類之于逐

章之下續又得論語說一百二十有九孟子說六十有八附于卷末曰拾遺云

論語意原一卷

右東谷鄭汝諧所著也然所原三仁等說晦庵先生多不然之晦庵謂論語只言微子去之初無面縛銜璧之說今乃捨孔子而從左氏史遷已自難信又不得已而曲爲之說以爲微子之去乃去紂而適其封國則尤爲無據矣

疑孟一卷

右溫國司馬文正公光所著也公疑孟子之書有非

軻之言者故爲疑孟十有一篇建安余允文乃爲尊  
孟辨於溫公之疑逐段爲之辨晦庵先生又於允疑  
之後逐段爲之說云

孝經解一卷

右張文忠公九成所解也

孝經說一卷

右蒙齋先生袁公甫親筆也甫字廣微潔齋先生之  
子也

大學衍義四十三卷

右真文忠公德秀爲戶部尚書日所進也因大學條

目而附以經史首之以帝王爲治之序次之以帝王  
爲學之本是之謂綱首之以明道術辨人才審治體  
察民情次之以崇敬畏戒逸欲又次之以謹言動正  
威儀又次之以重妃匹嚴內治定國本教戚屬是之  
謂目每條之中首之以聖賢之典訓次之以古今之  
事迹諸儒之釋經論史有發明者錄之而公之說亦  
附見焉

小學之書四卷

右朱文公先生所編也有內篇有外篇其宏綱有三  
曰立教曰明倫曰敬身明倫則有父子君臣夫婦長

幼朋友之品敬身則有心術威儀衣服飲食之自又採摭古今經傳書史之所紀載曰稽古曰嘉言曰善行以廣其教而實其事小學之工程大學之門戶也

越絕書十五卷

右越復讎之書也或以爲子貢所作或疑似子胥所作皆無所據故曰越絕誰所作吳越賢者所作也隋經籍志十六卷崇文總目十五卷希弁攷其所以第一卷荆平王內傳第二卷外傳記吳地第三卷吳內傳第四卷計倪內經第五卷請糴內傳第六卷外傳策考第七卷外傳記范伯內傳陳成恒第八卷外傳



記地傳第九卷外傳計倪第十卷外傳記吳王占夢  
第十一卷外傳記寶劔第十二卷內經九術外傳記  
軍氣第十三卷外傳枕中第十四卷外傳春申君德  
序外傳第十五卷篇叙外傳此十五卷也然第一卷  
有所謂越絕外傳本事一篇此其爲十六卷歟

蔡邕獨斷二卷

右漢左中郎將陳留蔡邕撰雜記自古國家及漢朝  
故事王莽無髮蓋見于此

資治通鑑釋文二十八卷

右奉議郎行秘書丞著作佐郎兼侍講賜緋魚袋

司馬康所集也康字公休溫公之子也

內傳國語十卷

右劉放贛父所作也以其異於外傳國語故曰內傳云其兄敞原父題辭

神宗聖訓二十卷

右試太學錄林處所集也處乃希之姝以所聞

神宗聖訓記錄分一百門擬續 五朝寶訓宗寧中

上于 朝云

韓忠獻王遺事一卷

右群牧判官朝奉郎尚書職方員外郎上騎都尉強

至編次韓魏王琦言行也始韓忠彥編次家傳王巖叟編次別錄至又編次其遺事云

歷代氏族言行類彙六十卷

右武夷章定以歷代迄本朝名賢言行之迹類姓成編九一千一百八十九姓云

古今年號錄五卷

右紹熙中臨安府免解進士侯望所進也其說謂自漢建元至今一千三百三十五年正偽年號總八百三十八爲字二百三十五有重用三用至九用者

列子釋文二卷

右唐當塗縣丞殷敬順撰

說玄一卷

右溫國司馬文正公光所著也

天象賦一卷

右題後漢尚書張衡撰蜀丞相諸葛亮注然注中引用晉事決非亮也希弁嘗以祕書省闕書冒攷之天象賦一卷張衡撰李淳風注疑此爲是

玄綱三卷神仙可學論一卷形神可固論一卷

右唐中嶽嵩陽宮道士宗玄先生吳筠貞節所進修行之要旨也一曰明道德二曰辨法教三曰析疑滯

玄宗批答云詞簡旨奧義博文精足以弘闡格言發  
明幽致

國朝官制沿革一卷

右黃元禮琮所編也

職官記一卷

右三晉張續所編也其說謂元豐官制名實正矣惟  
是祖宗因官制以別流品之意當時初不講明及之  
故寄祿之階條理未盡若參以舊典則得失可見遂  
先立元豐寄祿新格以祖宗舊官遷轉之法參列於  
後云

續文房四譜五卷

右題柯田山樵編蓋續蘇易簡之書也祕書省闕書目云李洪編

夷堅志四十八卷

右洪文敏公邁記異志恠之書也其名蓋取列子所謂大禹行而見之伯益知而名之夷堅聞而志之說者謂夷堅乃古之博物者云

義林十卷

右起居舍人兼中書舍人兼侍講眉山程敦厚所述也凡一百一十二篇撝取千百載人物而尚論之張

文忠公九成嘗謂如論姚崇不進制心之說而以十  
事諫王莽之文姦言起於嚴助朱買臣天誘君子以  
甚難王伯自用心始鄭伯上欲爲舜下欲爲周公文  
帝斗粟之譏所以致刑措景帝殺臨江王天下安之  
而不疑蕭何萬世之功在王漢中用韓信絳侯無出  
塞功衛霍有絕漠賞仲連鄒陽同傳平勃合於與權  
之說皆深見眇微而發古人用心處議論卓然在人  
意表云

常譚二卷

石河南吳箕和父雜記經子史傳之事二百餘條

視聽鈔三卷

右國子博士吳莘商卿得之聞見示後人以勸戒凡六十四事云

武昌志三十卷

右郡守古括王信所修也詩文附焉

萍實志十卷續志二卷

右邑宰周世昌所修征官王天節所續也

都梁志六卷

右郡守何季羽所修也詩文附焉

嶺外代答十卷



右周去非直夫記廣右二十五郡疆場之事經國之具荒忽誕漫之俗瑰詭譎恠之產耳目所治與得諸學士大夫之緒談者四百餘條去

祕書省闕書目四卷

右祕書省見闕書之目也

楚辭故訓傳六卷

楚辭草木疏一卷

楚辭補音一卷

右建寧倅谷水林至所著也李大異爲之序

河海英靈集二卷

右唐丹陽進士殷璠集常建李白王維劉謹虛張渭  
王季友陶翰李頎高適岑參崔顥薛據綦毋潛孟浩  
然崔國輔諸光羲王昌齡賀蘭進明崔署王灣祖詠  
盧象李疑閻防二十四人之詩璠謂諸人皆河海英  
靈也故以名集凡二百四十三首云

唐賢絕句一卷

右莆田柯夢得所選李白杜甫元結王維韋應物賀  
知章岑參靈徹張繼郎士元盧綸司空文明韓愈柳  
宗元張籍費島陳羽劉禹錫元稹白居易杜牧竇庠  
竇鞏張祐徐凝王建于鵠朱絳許渾雍陶陳陶李播

劉商羊士諤楊敬之司空圖薛能鄭谷王涯李涉楊  
憑崔櫓劉昭屬陸龜蒙狄歸昌章碣劉得仁許繹吉  
師老張顛杜荀鶴吳融韓偓韋莊五十四人之作白  
止四首甫六首愈八首宗元四首惟牧二十五首云

衆妙集一卷

右汴人趙師秀編沈佺盧象王維孟浩然錢起周賀  
于武陵李頻秦系劉長卿李嘉祐楊巨源劉得仁朱  
慶餘雍陶郎士元崔塗皇甫冉曾皇甫冉包佶司空曙  
耿緯嚴維李端韓翃戴叔倫盧綸祖詠綦毋潛方干  
靈一無可護國貫休岑參張衆甫張南史周朴張蠙

張祐李季蘭許渾張祐馬戴張循之張繼章八元李  
益張喬呂溫于鵠崔顥項斯崔峒包何竇常趙嘏薛  
能劉威鄭谷韓偓羅隱李羣玉皮日休杜荀鶴張籍  
任藩劉商楊發處默戎昱于良史王灣林寬劉禹錫  
王真白七十六人之作

二妙集一卷

右汴人趙師秀選賈島姚合詩也

宣和御製詩一卷

右徽宗皇帝賜張忠文公叔夜之詩也凡二十有  
八篇云

# 巴東集一卷

右萊國忠愍公冠準之詩也讀書志云冠忠愍詩三卷希弁所藏巴東集乃公自編而爲之序凡一百五十有六篇秋風亭記附按公本傳云巴東有秋風亭公析葺應物一言爲二句云野水無人渡孤舟盡日橫識者知其必大用凡五年不得代邑庭有二栢民以比甘棠集後有范忠文諸公題秋風亭詩然東坡亦有詩曰萊公昔未遇寂寞在巴東聞道山中樹猶餘手種松惜不之載焉

## 晦翁先生朱文公語後錄二十卷

右東陽王佖記楊方黃榦劉炎黃灝邵浩劉砥李輝  
黃卓汪德輔陳芝吳振吳雉林子蒙林學履劉礪鍾  
震蕭佐舒高魏椿楊至所錄也其說謂池錄初成勉  
齋猶未免有遺恨於刊行之後况饒本又出於其後  
乎此二十卷皆池饒所未及刊者稽其所自證其所  
得嘗屢及復焉無一語或敢不謹也又謂晦翁始與  
南軒講于嶽麓後與東萊及象山講于鵝湖此皆先  
賢講論大端深恨從游者莫能錄其所聞以示後世  
云

晦庵先生朱文公語續錄後集二十五卷

右楊方黃幹包揚劉炎劉子寮邵浩劉砥劉礪李輝  
陳芝黃灝黃卓汪德輔吳振吳雉鍾震林子蒙林學  
履蕭佐舒高魏椿楊至二十二入記錄晦庵先生之  
語也蔡杭將指江東集而刻之

曲江帖五卷後帖一卷

右二蘇劉元城鄒道鄉黃山谷王金陵曾文清韓呂  
諸公之帖也

花藥夫人詩一卷

右蜀孟昶愛姬也青城費氏女幼能屬文長於詩宮  
詞尤有思致蜀平以俘輸織室後有罪賜死此卷乃

王安國寫入館者毛恕鐫于衡陽

昭德先生讀書志卷第五下

書表司劉瑜等楷書  
刊字匠黃應等刊板



